

Apocalipsis

Camepüre ahri deco dühse wahatire marine masigū yeahye Jesucristo

1 ¹Ahri pūpū Jesucristo marine tiquiro masigū yerire yahu ojoagu niaja. Mari Pacu pehe tire yahu dutiro cūahye tiquirore, tiquiro yequinare tiquiro cahacjēnare masigū ye dutiro. Sa yero mianota dühse wahatire masigū yeri tiquiro. Mehenogā dūhsatjiāno nine sa wahato. Jesucristore tiquiro sa cūgū tiquiro pehe angelre tire yūhure Ńure yahu dutiro ohoi. ²Sa yegu yūhū Ńu ijipihtiyere yūhū ihñarire yahu ojoagu niaja. Cohācjū ye yahuducuyere Jesucristo ye buheyere yahu ojoagu niaja. ³Ahri pūpū camepüre dühse wahatire yahu ojoagu niaja. Mehenogā dūhsatjiāno nine ahri ijipihtiyere sa wahato. Sa ye ijipihtiyequina ahri püre buheyequina, yūhū yahurire quehnoano tūhoyequina ahri pū nidiro saha yeyequina bucuyequina ijieta.

Siete cururi cjēnare Jesu yequina cahmecoañequinare ojoa ohoahye Ńu

⁴Yūhū, Ńu mūsare siete cururi cjānare Jesu yequinare Asia yehpa cjānare ojoa ohoaja: Cohācjū tiquiro cahñe mehna mūsare quehnoa dutiaja. Sa yena tiquiro yedohoye mehna quehnoano ijiya mūsa. Tiquiro panoputa sa ijiducuriquiro ijie tiahye. Yojopū gūhure sa ijiducure. Camepū ahtarota. Tiquiro pūhtoro dujiro pota ijiyequina siete pagū bajueyequina ijire. Tiquina cahñe mehna mūsare quehnoa dutiaja tja. ⁵Cristo tiquiro cahñe mehna mūsare quehnoa dutiaja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa mūjari bato ne pari turi yariasi tiquiro. Sa yero ijipihtiyequina ahri yehpa cjēna pūhtoa tiquina bui pūhtoro ijire tiquiro. Marine cahino tiquiro dii cohāri mehna mari ñañene coseri tiquiro. ⁶Sa cosero marine pūhtoa sōri tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa sōri tiquiro. Ijipihtiyere decori “Tutuagu ijire mūhū”, ni ño peoducueta ijipihtiyequina tiquirore. Ijipihtiyequina pūhtoro sa ijiducure tiquiro. Sata ijiahro. ⁷Quehnoano wacū masi cohteya mūsa. Ehmeo cururi watoa dijia tarota Cristo. Tiquiro sa ahtagū ihñæta ijipihtiyequina. Tiquirore quē biha wejēdiquina gūhū tiquirore ihñæta. Sa ye tiquiro ahtagū ihñæne ahri yehpa cjēna ijipihtiyere cururi cjēna tutuaro utieta. Sata utiahro.

⁸Ohō saha nine mari puhtoro Cohācjū: “Yūhu ijipihitiyere bajumehnedigū ijiaja. Sa yegū ijipihitiyere pihitigū yeacjū ijiaja. Tutua yūhduducagū ijiaja yūhu. Panopū gūhure sa ijiducue tii. Yojoṗū gūhure sa ijiducujaja. Came ahtaŭtja”, nine Cohācjū.

Cristore asi siteriquirore tiquiro ihñarire yahuahye Ñu

⁹Yūhu Ñu musa acayū Jesu yaquiro ijiaja. Sa yegū musa yero saha yūhu gūhu Jesu yere yūhu yeri buhiri ñano yūhdūu. Sa yegū musa yero saha yūhure tiquina sa ñano yepegūta Jesu yedohoye mehna Jesure cohāedū. Mari ihcāno saha tiquiro puhtoro ijiro cjāna ijiana ijiaja mari. Ya dihta cjēna tiquina cohārigū ijigū Patmo wame tiri nūcūopū ijiaja. Cohācjū yere, Jesucristo tiquiro buheri gūhure apequinare yūhu buheri buhiri ohōṗū tiquina cohārigū ijiaja. ¹⁰Ohōṗū yūhu ijigū ihcā deco domingo ijigū Espiritu Santo yūhure quehēnopū ihñono nidi. Tiquiro sa ihñogū yūhu behero peheṗū tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. ¹¹Ohō saha nino ca tari yūhu tūhogū:

—Yūhu ijipihitiyere bajumehnedigū ijiaja. Sa yegū ijipihitiyere pihitigū yeacjū ijiaja. Yojoṗū mūhū ihñatire ojoati pūṗū ojoa ohōña. Mūhū sa ojoa ohōri bato siete cururi cjēnare Cohācjū yequinare ohoya ti pūre. Tiquina siete cururi Asia dihtapū ijiye macari cjēna ijire. Efeso cjēnare, Esmirna cjēnare, Pérgamo cjēnare, Tiatira cjēnare, Sardis cjēnare, Filadelfia cjēnare, Laodicea cjēnare mūhū ihñatire ojoa ohoya, nino ca tari yūhure.

¹²Tiquiro sa nigū tūhogū majaredūcau yūhure yahuducuriquirore ihñagū tūhu. Sa majaredūcagū siete sihāne pacare tiquina duhu peoye cjūre uru mehna tiquina yeri cjūre ihñāu. ¹³Ti cjū watoa ducuriquirore masūno yero saha bajuriquirore ihñāu. Tiquiro yoari suhtiro dahpocāripū esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tūā dihoriquiro ijiri. ¹⁴Sa ye tiquiro poari buhsa cohoṗū yero saha yehseri. Sa ye tiquiro caperi peca pohna yero saha asiri. ¹⁵Sa ye tiquiro dahpocāri bronze wame tiye come asiye come yero saha asi siteri. Broncere peca mehna tiquina quehnoano ũjūa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocāri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari. ¹⁶Tiquiro omoca poto pehe siete ñāhpicoha pacare cūori. Sa yero tiquiro dūseropū ñoseni pji pūa peheri siori pjiñe culhūiri. Sa yero asū deco cjēno tiquiro tutuaro asi sitero saha tiquiro wūhdoa tutuaro asi siteri.

¹⁷Sa yegū tiquirore ihñagū tiquiro dahpocāri cahapū doque quehe saū yariariquiro yero saha. Yūhu sa doque quehe sagū ihñano tiquiro poto pehe cjā omoca mehna yūhure duhu peo ohō saha nidi:

—Cueracāhña. Yūhu ijipihitiyere bajumehnedigū ijiaja. Sa yegū ijipihitiyere pihitigū yeacjū ijiaja. ¹⁸Catigū ijiaja yūhu. Yariarigū ijimi. Yojoṗūre ihñāña. Ijipihitiye decori sa catiducugū ijiaja yūhu. Pari turi masagū masare pari turi yariaragū ye masiaja yūhu. Sa yegū masare yariariquina tiquina ijiropū wahaeragū ye masiaja yūhu. ¹⁹Sa yegū yojoṗū wahatire ihñagū, ojoa

ohõña. Camerpu dũhse wahati gũhũre ihñagũ ojoa ohõña mũhũ. ²⁰Ahri siete ñahpicoha pacare yũhũ poto pehe yũhũ cũoye pacare yahutja mũhũre. Sa yegũ siete sihãñe pacare tiquina duhu peoye cju uru cju gũhũre yahutja. Ohõ saha ijiye yahuyere panopũ cjenã masare ne yahuera tii. Ohõ saha ijire ti: Siete ñahpicoha paca siete cururi cjenã yeequina pũhtoa ijiye nine, mari queoye mehna buhegũ. Sa ye siete sihãñe pacare tiquina duhu peoye cju siete cururi cjenã yeequina ijiye nine, mari queoye mehna buhegũ, nidi yũhũre.

Efeso cjenare Jesu yequinare ojoa oho basa dũca dutiahye Ñure

2 ¹Sa ni tuhasa ohõ saha ni nemori yũhũre ojoa dutiriquiro: —Efeso cjenã yeequina, tiquina pũhoro gũhũre ohõ saha ni ojoa oho basaya mũhũ: “Yũhũ omoca poto pehe siete ñahpicoha pacare cũogũ ijiaja. Sa yegũ siete sihã docoye cju watoa tinigu ijiaja. Sa tinigu ijigu mũsare ohõ saha ni yahuaja: ²Ijipihitiye mũsa yerire masi pehoaja. Yee ijiatire mũsa tutuaro dahrarire, yũhũre mũsa wacũ tutua duhuerari gũhũre quehnoano masiaja. Ñañene yeriquinare mũsa ihña yabigũ gũhũre masiaja. Sa yena ‘Jesu buhe dutiro tiquiro cũrina ijiaja’, nimediquinare queoro tiquina buheragũ ihñana, ni mehoñequina tiquina ijigũ masidi mũsa. ³Yeere mũsa yeri buhiri mũsa ñano yũhdũepenata ihcãno sahari mũsa Efeso cjenã. Sa yena yũhũre ne duhuerari mũsa. ⁴Sa quehnoano yena ijiepenata ihcãnore queoro yerari mũsa. Ahri ijire ti: Yũhũre mũsa quehnoano cahĩ mũhtariro saha yojopũre yerare mũsa. ⁵Yũhũre mũsa cahĩ mũhtarire wacũña mũsa tja. Yojopũre yũhũre mũsa cahĩeda cjurire wacũña. Sa yena mũsa ñañe yerire bujua witiya. Tire duhuya. Sa duhuna, yeere mũsa ye mũhtariro sahata yeya tja. Mũsa ñañe yerire mũsa duhueragũ sojaro mehna sihãriare yũhũ duhu peodũ mũsa ya dũre yũhũ dapodũre ne cohãutja. (Sa nigũ ohõ saha ni yahugũ niaja mũsare. Mũsa to cjenã yũhũre cohãboaga. Sa cohãna to punota pihtinata mũsa ñañe yeyere duhuerana.) ⁶Yũhũre cahĩeda cjunã ijiepenata ahrire quehnoano yeri mũsa: Nicolaita wame tiyequinare ñañequinare ihña yabire mũsa. Yũhũ gũhũ tiquinare ihña yabiaja. ⁷Cahmo tina ijire mũsa. Sa yena mũsa ye cururi cjenare yeequinare Espĩritu Santo tiquiro yahurire tuhoya mũsa. Ohõ saha nine tiquiro: ‘Ijipihitiyequinare Jesure wacũ tutua duhueyequinare Cohãcjũ ya wese paraĩso wame tiro cjadũ dũcare ihya dutiitja. Tũ dũca catigũ yeye ijire’, nine Espĩritu Santo’, ni yahu ojoa oho basaya Efeso cjenã yeequinare, tiquina pũhoro gũhũre.

Esmirna cjenare Jesu yequinare ojoa oho basa dutiahye Ñure

⁸Esmirna cjenã yeequinare, tiquina pũhoro gũhũre ohõ saha ni ojoa oho basaya mũhũ: “Yũhũ ijipihitiyere bajumehnedigu ijiaja. Sa yegũ ijipihitiyere pihtigũ yeacju ijiaja. Yariaa wahau. Pari turi catiaja tja. Sa yegũ ohõ saha ni yahuaja mũsare: ⁹Mũsa ñano yũhdũrere masiaja. Pejecũona mũsa ijigũ gũhũre masiaja. Sa ijiepenata Cohãcjũ yere quehnoañene pajiro cũore mũsa. Apequina pehe ‘Judio masa ijiaja’, nimediquina ni mehonẽquina ijire. Tiquina mũsare ñano quti yerire masiaja. Tiquina Satana yequina ijire. ¹⁰Yojopũre mũsa ñano

yuhduatire cueracãhña. Tuhoya musa. Watino musare Cohãcjüre duhu dutiro ihquẽquina musa mehna cjẽnare peresu ye dutirota. Pua omope decori waro ñano yuhdunata musa. Tiquina sa ñano yegũ musare tiquina sa wejẽ duepegũta yuhure, yee gũhure cohãedacãhña. Musa sa yuhure cohãedagũ ihñagũ ijipihtiye decori Cohãcjũ cahapũ musare sa ijiducugũ yeitja. ¹¹Cahmo tina ijire musa. Sa yena musa ye cururi cjẽnare yeequinare Espiritu Santo yahurire tuhoya musa. Ohõ saha nine tiquiro: ‘Ijipihtiyequina Jesure wacũ tutua duhueyequina pecapũ wahasi. Tiquina yariari bato pecapũ wahasi’, nine Espiritu Santo”, ni ojoa oho basaya Esmirna cjẽna yeequinare, tiquina pũhtoro gũhure.

Pérgamo cjẽnare Jesu yequinare ojoa oho basa dutiahye Ñure

¹²Pérgamo cjẽna yeequinare, tiquina pũhtoro gũhure ohõ saha ni ojoa oho basaya mũhũ: “Yuhũ ñoseni pjĩ pua peheri siori pjĩne cãogũ ijiaja. Musare ohõ saha ni yahutja: ¹³Musa yerire, musa ya maca cjẽna tiquina yeri gũhure masiaja. To cjẽna pũhtoro Satana ijire. To cjẽna Satanare ño peoyequina Antipare yeere quehnoano yahuriqirore wejẽdi. Tiquirore tiquina sa wejẽgũ ihñãepenata yuhure ne wacũ tutua duhuerari musa. ¹⁴Musa sa wacũ tutua duhuerapenata mehenogã yuhure yuhduducari musa. Ihquẽquina musa mehna cjẽna Balãa ye buheyere cahmene. Panopũ Balac wame tiriqirore pũhtoro ohõ saha ni buhee tiri Balãa pehe: ‘Israe masare yuhduduca duana “Cohãcjũ ijire”, musa niñe queoyere ño peo musa duhu peo ihyayere ihya dutiya tiquinare. Sa yena numia mehna ñano yegũ yeya tiquinare’, ni buhee tiri Balãa mũnana. Panopũ tiquiro yeriro saha yojopũ gũhure ñano yegũ yere ihquẽquina musa mehna cjẽna apequinare. ¹⁵Sa ye tiquina yero saha apequina musa mehna cjẽna Nicolaita wame tiyequina ye buheye pehere cahmene. ¹⁶Sa yena musa ñañe yerire duhuya musa. Musa sa duhueragũ ihñagũ sojaro mehna musa cahapũ wahagũ, sa ñano yeyequina mehna cahmequeitja yuhũ dũseropũ ijiri pjĩ ñoseni pjĩ mehna. ¹⁷Cahmo tina ijire musa. Sa yena musa ye cururi cjẽnare yeequinare Espiritu Santo tiquiro yahurire tuhoya musa. Ohõ saha nine tiquiro: ‘Ijipihtiyequinare Jesure wacũ tutua duhueyequinare maná wame tiye ihyayere uhmuse cjẽ ihyayere ohoutja. Yehseye utã paca gũhure ohoutja tiquinare. Ti utã pacapũre wahma wamene yuhũ ojoa ohõati utã paca ijirota. Apequina ti wamene ne masisi. Ti utã pacare neñequina dihita ti wamene masieta’, nine Espiritu Santo”, ni ojoa oho basaya Pérgamo cjẽna yeequinare, tiquina pũhtoro gũhure.

Tiatira cjẽnare Jesu yequinare ojoa oho basa dutiahye Ñure

¹⁸Tiatira cjẽna yeequinare, tiquina pũhtoro gũhure ohõ saha ni ojoa oho basaya mũhũ: “Yuhũ Cohãcjũ macũ yuhũ caperi peca pohna yero saha asire. Sa ye yuhũ dahpocãri bronze wame tiye come tiquina wahteri come yero saha asi sitere. Musare ohõ saha ni yahuaja.

¹⁹Musa yerire masiaja yuhũ. Cohãcjüre, apequina gũhure musa cahĩdire, yuhure musa cohãedarire, apequinare musa yedohorire, ñano yuhdũepenata

yuhure mûsa duhuerarire masiaja. Coã waropu mûsa yeriro yuhduoro vojopu pehere quehnoano ye nemona nine mûsa. Ti gũhure masiaja yuhu.

²⁰Mûsa sa quehnoano yena ijipenata ohõ saha yuhure yuhduucari mûsa: Jezabe wame tiricoro ‘Cohãcjũ yere yahugo ijijaja’, ni mehoricoro musare ticoro ñano buhegũ tuhona ticorore tuhtierari mûsa. Ni meho buhero yeequinare yuhu cahacjẽnare numia mehna ñano yegũ yere. Sa yero ‘Cohãcjũ ijire’, tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro. ²¹Ticoro ñañene bujua witiatire cohtenimi. Yuhu sa cohtepegũta umma mehna ticoro ñano yeyere duhu duerari. ²²Yuhure tuhoya mûsa. Ticorore dohatigũ yeitja. Ticoro mehna ñano yeriquina gũhure dohatigũ yeitja. Sa ye tiquina tutuaro ñano yuhdueta. Sata yeitja tiquinare ticoro mehna tiquina ñano yerire tiquina bujua witiagũ, tire tiquina duhueragũ. ²³Sa yegu ticoro pohnene wejẽitja. Yuhu sa yegũ ihñañe ijipihtiequina yeequina yuhu quehnoano masigũ ijigũ masieta. Masa tuhoyere tiquina tutuaro cahmeñe gũhure masiaja. Yuhu sa masiñene masieta tiquina ticorore yuhu buhiri dahregũ ihñañe. Ijipihitina mûsa ñañene yeri buhirire buhiri dahreitja musare. Sa yegu mûsa quehnoañene yeri wapa pehere quehnoano yeitja musare. ²⁴Apequina mûsa mehna cjẽna Tiatira cjẽna ticoro ye buheyere cahmedari. Mûsa pehe Satana ye buheyere ‘Panopu tiquiro yahuerari jiri’, tiquina niñe buheyere cahmedari mûsa. Sa yegu mûsa pehere duti nemosi yuhu. ²⁵Ahri dilitare ye duti nemoutja musare: Mûsa cahapu yuhu tojoa tato pano yuhu buheyere mûsa masidire ne mehenogã duhueracãña. ²⁶⁻²⁷Ijipihtiequina ñañene duhuyequinare, yeere sa yeducuyequinare puhtoã soutja. Yuhu Pacu yuhure tiquiro puhtoro soriro sahata mûsa gũhure puhtoã soutja. Ijipihtie yehpari cjẽna bui puhtoã soutja musare. Sa puhtoã sajãna, mûsa docapu ijieyequinare ijipihtie yehpari cjẽnare tutuaro dutinata mûsa. Dihi suturire mari yucugũ mehna pohagũ duita wahtiro saha tiquina duita piltia wahaeta. ²⁸Sa yegu musare yeere ne duhuyequinare ñahpicoha bohrea muja tariare ohoutja musare. Sa yegu mûsa mehna ijitja yuhu. ²⁹Cahmo tina ijire mûsa. Sa yena mûsa ye cururi cjẽnare yeequinare Espiritu Santo tiquiro yahurire tuhoya mûsa”, ni ojoa oho basaya Tiatira cjẽna yeequinare, tiquina puhtoro gũhure.

Sardis cjẽnare Jesu yequinare ojoa oho basa dutiahye Ñure

3 ¹Sardis cjẽna yeequinare, tiquina puhtoro gũhure ohõ saha ni ojoa oho basaya mũhũ: “Yuhu siete pagu bajueyequinare Cohãcjũ yequinare cõogũ ijijaja. Sa yegu siete ñahpicoha pacare cõogũ ijijaja. Musare ohõ saha ni yahuaja:

Mûsa yerire masiaja. Ohõ saha ni tuhutumene apequina musare: ‘Tiquina Cohãcjũ yere quehnoano ye pehoyequina ijire’, ni tuhutumene musare apequina. Tiquina sa ni tuhotuepegũta Cohãcjũ yere quehnoano yerare mûsa. ²Sa yena quehnoano yeya mûsa ‘Ñañene yeari’, nina. Cohãcjũ yere mûsa masidire quehnoano wacũña, ‘Tiquiro yere duhuari’, nina. Cohãcjũ ihñagũ quehnoano ye pehoerare mûsa. ³Sa yena yeere mûsa tũho muhtarire quehnoano wacũña mûsa.

Sa wacūna yeere yeya. Mūsa ñañe yerire duhuya. Yūhū nino saha mūsa yeragū wacūeno mehna mūsare buhiri dahreitja. Yaqueriquiro wacūeno mehna tiquiro yaquero sajarīro saha mūsare wacūeno mehna buhiri dahreitja. ⁴Ihquēquina mūsa mehna cĵēna Sardis cĵēna ñañene yeducuerare. Wete marieni suhtirore mūsa sañaboriro saha ti ñañe yeyere piha duerare mūsa. Sa quehnoana ijina, yehseri suhtiro sañana yūhū mehna ijinata mūsa pehe. ⁵Ijipihtiequina yeere duhuyequina sata yehseye suhti sañaducuyequina ijieta. Sa yeye yūhū mehna sa ijiducuatiquina wamene tiquiro ojoa ohōri tĵurū tiquina gūhū tiquina wamene ojoa ohōnohriquina ijieta. Tiquina wamene tiquiro ojoa ohōrire cosesi yūhū. Yūhū Pacu ihñonopu, angele gūhū tiquina ihñonopu yeequina mūsa ijirire yahutja tiquinare.

⁶Cahmo tina ijire mūsa. Sa yena mūsa ye cururi cĵēnare yeequinare Espīritu Santo tiquiro yahurire tuhoya mūsa”, ni ojoa oho basaya Sardis cĵēna yeequinare, tiquina puhtoro gūhūre.

Filadelfia cĵēnare Jesu yequinare ojoa oho basa dutiahye Ñure

⁷Filadelfia cĵēna yeequinare, tiquina puhtoro gūhūre ohō saha ni ojoa oho basaya mūhū: “Yūhū ñañe mariegu ijiaja. Poto yegu ijiaja. Davi mūnāno panopu cĵūno sawire tiquiro cuoboriro saha, masare tiquiro puhtoro ijiropu tiquiro pōoboriro saha yeitja yūhū. Sa yegu Cohācĵū tiquiro puhtoro ijiropu saĵatore yūhū pōogū ne apequina tire biha masiedare. Yūhū bihagū ne apequina pōo masiedare.

⁸Ijipihtie mūsa yeyere masiaja yūhū. Wacū tutuera cĵūna ijiepenata yūhū buheyere quehnoano tuhori mūsa. Sa yena yūhūre, yee gūhūre duhuerari mūsa. Sa yegu yeere cūu mūsare. Sa ye apequina ‘Tire yeracāhña’, ni cahmota masiedare mūsare. ⁹Sa yegu ohō saha yeitja: Apequina mūsa caha ijieyequina Satana yequina ijire. ‘Judio masa ijiaja’, niepeta judio masa waro ijierare. Tiquinare mūsa caha dūsepe curi mehna quehe sa, mūsare ño peogū yeitja tiquinare. Yūhū sa yegū ihñañe mūsare yūhū cahñene masieta tiquina.

¹⁰Mūsare yeere yūhū duhu dutieragū tuhona quehnoano yūhtiri mūsa. Mūsa sa yegū ihñagu ahri yehpa cĵēna ijipihtiequina tiquina ñano yūhduati pje ijigū mūsare cahmotautja. Ti pje ijipihtiequina tiquina ñano yūhduati pje ijirota. ¹¹Mehenogā dūhsare ahri yehpapu yūhū tojoa tato. Yeere mūsa masidire boeracāhña. Sa yena yūhūre sa yūhtiducuya, mūsa quehnoano yeri wapare ‘Boari’, nina. ¹²Sa yegu yeere sa yeducuyequinare yūhū Pacu ya wūhū cĵēna ijiatiquinare cūtja tiquinare. Tiquiro ya wūhū cĵē botari ti yoari pje ijiducuro saha Cohācĵū mehna ijiducugū yeitja tiquinare. Sa ye tiquina mehna cĵēna sa ijiducuenta. Sa yegu Cohācĵū wūhū cĵē botaripu yūhū ojoa ohōno saha tiquinare tiquina paguripu ohō saha ni ojoa ohōutja: Cohācĵū yūhū Pacu wamene, tiquiro ya maca wame gūhūre ojoa ohōutja. Tiquiro ya maca wahma maca Jerusalē ijirota. Ti maca ūhmūsepu Cohācĵū cahapu ahtari maca ijirota. Yūhū wahma wame cuoutja. Ti wame gūhūre ojoa ohōutja tiquina paguripu.

¹³Cahmo tina ijire m̄sa. Sa yena m̄sa ye cururi cj̄nare yeequinare Esp̄ritu Santo yahurire tuhoya m̄sa”, ni ojoa oho basaya Filadelfia cj̄na yeequinare, tiquina p̄htoro ḡhure.

Laodicea cj̄nare Jesu yeequinare ojoa oho basa dutiahye Ñure

¹⁴Laodicea cj̄na yeequinare, tiquina p̄htoro ḡhure oh̄ saha ni ojoa oho basaya m̄hu: “Ȳhu poto yegu ijiaya. Sa yegu ni mehono marieno ȳhu ih̄nare, ȳhu tuhore sa yahuducugu ijiaya. Ijipihtiyere mari Pacu tiquiro yerire ye basagu ijiaya ȳhu.

¹⁵Ijipihtiyere m̄sa yerire masiaya ȳhu. Ȳhure wac̄u tutuana ijiepenata mehenoḡa wac̄u tutuana ijire m̄sa. Oh̄ saha ijire ti: Aco ȳsueye aco as̄u mehna asi busuye aco yero saha ijire m̄sa. Sata ijiye acore mari coero saha ȳhure wac̄u tutuana cj̄na m̄sa ijiḡu ȳhu ḡhu m̄sare coeraja. Ȳhure m̄sa quehnoano wac̄u tutuaḡu quehnoaboaga ȳhure. Ȳhure m̄sa wac̄u tutueraḡu ñar̄boaga ȳhure. Ti ȳhduoro mehenoḡa wac̄u tuana m̄sa ijiḡu ña ȳhduare. ¹⁶M̄sa sa ijiḡu ih̄nagu yabi ȳhduaja ȳhu. Ñañe acore ȳhu sihco puti coh̄no saha ȳhure mehenoḡa wac̄u tutuayeequinare yabi ȳhduaja ȳhu. ¹⁷Sa yena oh̄ saha ni tuhutumene m̄sa: ‘Ijipihtiyere c̄oaja. Ne yabe d̄hsaerare marine’, ni tuhutumene m̄sa. Sa niepenata pejec̄oyequina yero saha ijire m̄sa. Sa yena suhti marieñequina bue tiro saha Coh̄c̄j̄ ih̄nopu m̄sa ñañe yerire bue tiana ijire m̄sa. Sa yena caperi bajueyequina tiquina ih̄na duayere tiquina masieno saha Coh̄c̄j̄ yere ne masiedare m̄sa. ¹⁸M̄sa sa yena ijiḡu ih̄nagu oh̄ saha ni yahut̄ja m̄sare: Uru warore m̄sa d̄uro saha quehnoañene ȳhu c̄oyere neña m̄sa. M̄sare ȳhure wac̄u tutuaḡu yeitja. Sa yena potota Coh̄c̄j̄ ye mehna pajiro c̄onata. Sa yena yehseri suhtirore m̄sa d̄u m̄sa sañano saha ȳhu dii coh̄ari mehna ȳhu yariari mehna m̄sa ñañe yerire cosenohrina ijiya. Sa yena quehnoañe suhti sañañequina tiquina bue tiero saha m̄sa ñañene cosenohrina ijina ne bue tisi m̄sa ḡhu. Sa yena m̄sa caperire m̄sa aco tiri bato quehnoano m̄sare caperi bajuro saha Coh̄c̄j̄ yere quehnoano tuhoya, m̄sa masino quehnoano.

¹⁹Ijipihtiyequina ȳhu cah̄ñequinare yahuaja. Sa yegu ȳhu cah̄ñequina tiquina ijiḡu ih̄nagu, tiquina ȳhtieraḡu tiquinare buhiri dahreaja, tiquinare yedohogu tuh̄. Sa yena yee pehere tutuaro cahmeña. Sa yena ñañene duhuya. ²⁰Tuhoya ȳhure. M̄sa w̄hure bihari w̄hure ȳhu esaduca ȳhu saj̄a duaboriro saha m̄sa mehna cj̄u iji duagu ñaja. Ȳhu sa ye duaḡu tuhona ȳhure m̄sa mehna iji dutiya. Yeequina ijiya. M̄sa sa ye dutiḡu m̄sa mehna ijiitja. Sa yegu mari siho ihyaro saha m̄sa mehna quehnoano ijiitja. Sa yena ȳhu mehna cj̄ana ijinata m̄sa. ²¹Ñañene ȳhu coh̄ari bato ȳhu Pacu p̄htoro tiquiro dujiro cahapu dujiaya ȳhu ḡhu dutigu tuh̄. Sata m̄sa ḡhu ñañene m̄sa duhuri bato ȳhu p̄htoro dujiro cahapu dujinata m̄sa dutina tana. M̄sare ȳhu cahapu dujiḡu yeitja.

²²Cahmo tina ijire mûsa. Sa yena mûsa ye cururi cjênare yeequinare Espíritu Santo tiquiro yahurire tuhoya mûsa”, ni ojoa oho basaya Laodicea cjêna yeequinare, tiquina pũhtoro gũhũre, nidi yũhũre ojoa dutiriquiro.

**Uhmusepũ Cohãcjũ cahapũ dũsepe curi mehna
quehe sa tiquina ño peoyere ihñahye Ñu**

4 ¹Yũhũre tiquiro sa ni yahuri bato uhmusepũ pũori sopechare ihñãũ. Pari turi corneta tutuaro bisiro saha tutuaro yahuducuye bisiro ca tari, yũhũ tuhogũ. Ohõ saha nidi yũhũ tuhogũ.

—Ohõpũ mũja taya. Ahri yũhũ yahuati camepũre sijoro saha waharota. Sa wahatire mũhũre ihñoutja. Yũhũ nidiro sahata waharota, nino ca tari uhmusepũ.

²Tiquiro sa ni yahugũta topũ mũja esagũ Espíritu Santo tutuaye mehna ihñagũ nii. Sa yegũ pũhtoro dujirore uhmusepũ ihñãũ. Topũ ihcãquiro dujiri. ³Sa yero quehnoano asi siteriquiro dujiri. Jaspe wame tiri utã yero saha, cornalina wame tiri utã yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapũ dujiri tiquiro. ⁴Sa yero tiquiro dujiro cahapũ veinticuatro dujiyere ihñãũ. Ti dujiye pũhtoa ye dujiye yũhũ ihñã mũhtariquirore duji behtoari. Ti dujiyepũ veinticuatro Jesu yequina pũhtoa dujiri. Yehseye suhti sañañequina ijiri. Sa ye pũhtoa pesaye behtori uru behtorire pesariquina ijiri tiquina. ⁵Yũhũ ihñã mũhtariquiro dujiropũ miadoqueori. Sa yero sijoro saha ijiro bisiro ca tari. Upo gũhũ bisiro ca tari. Ti dujiro poto siete sihãne paca ijiri. Siete sihãne paca mehna tiquiro queoye mehna buhegũ Cohãcjũ yequina siete pagũ bajueyequina ijiri. ⁶Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapũ pititiaro sijoro saha bajueyequina ijiri. Tiquina pagũri paa pehe gũhũre tiquina behero pehe pehe gũhũre peye caperi tiyequina ijiri tiquina. ⁷Yũhũ ihñã mũhtariquiro sijoro saha bajuriquiro yairo sohãriquiro yero saha bajuri. Tiquiro bato ijiriquiro wecũ yero saha bajuri. Tiquina bato ijiriquiro masũno wũhdoa saha wũhdoa tiriquiro ijiri. Tiquina ihtiaro bato ijiriquiro cacũ wũye dũpũrĩre seõ dujiriquiro yero saha bajuri. ⁸Tiquiro seis dũpũri wũye dũpũri tiriquiro ijiri. Tiquiro mehna cjêna gũhũ sa dihita wũye dũpũri tiri. Sa ye tiquina wũye dũpũri pũa peheripũta peye caperi tiye dũpũri ijiri. Sa ye decoripe, ñaminipe sa basaducuye nidi. Ne basa duhuerari. Ohõ saha ni basari:

Quehnoariquiro, quehnoariquiro, quehnoariquiro, Cohãcjũ mari
pũhtoro tutua yũhdũriquiro ijire. Tiquiro panopũta sa ijuducuahye.
Yojopũ gũhũre sa ijuducure. Camepũ ahtarota, ni basaducuye nidi.

⁹Sa basaye tiquina pititiaro sijoro saha bajueyequina tiquiro tutuayere basa peoye nidi. Sa ye tiquirore ijipihtiye decori ijuducuriquirore ño peoye “Quehnoare”, niñe nidi. ¹⁰Tiquina sa ye peogũ ihñãne veinticuatro Jesu yequina pũhtoa pehe pũhtoro dujiropũ dujiriquiro poto dũsepe curi mehna quehe sa, tiquirore ño peori. Tiquiro ijipihtiye decori ijuducuriquiro ijire. Sa ño peoye tiquina pũhtoa pesaye behtorire tiquiro dujiro caha doque peori. Sa doque peoye ohõ saha nidi tiquina:

11 Mũhũ Cohãcjũ usã pũhto waro ijire. Tutuagũ, quehnoagũ ijire mũhũ. Mũhũ usã ño peogũta ijigũ nine. Mũhũre sa ño peoducuro cahmene usãre. Ijipihtiyere bajumehnedigũ ijire mũhũ. Mũhũ cahmediro sahata ti ijipihtiyere bajumehneahye mũhũ, nidi tiquina Cohãcjũre, topũ dujiriquire.

Ojoari pũre torẽdi tunure cordero gãhũre yahuahye Ñu

5 1Came topũ dujiriquire tiquire omoca poto pehe tiquire cœori pũre ojoari pũre ihãna. Ti pũ pũa peheri ojoari pũ tiquire torẽdi tunu ijiri. Sa yero siete piha ñeheñe mehna tiquire piha ñehedi tunu ijiri. 2Sa yegũ tutuariquire angelre ihãna. Tiquire tutuaro yahuducuye mehna ohõ saha ni yahuri:

—Ahri tunure piha ñeheñene quehnoariquire dihita tũhrẽ masine. ¿Diquiro pehe ijijari tũhrẽatiquire? nidi tiquire angel.

3Sa nieperota tiquina ti tunure tũhrẽatiquire bocaerari. Ti tunure tũhrẽatiquire, quehnoariquire bocaerari. Ʋhmũserũ, ahri yehpawũ, catiyequina watoawũ, yaria tuhasariquina watoawũ ne ti tunure ñeheñene tũhrẽatiquire mariedari. Sa yero ti tunure buheatiquiro mariedari. 4Sa yegũ tũhrẽatiquire, ti pũre buheatiquiro tiquina bocaeragũ ihãnagũ tutuaro utii yũhũ. 5Yũhũ sa utigũ ihãnano ihcãquiro Jesu yequina pũhtoa mehna cjũno ohõ saha nidi yũhũre:

—Utieracãhã. Ti tunure ñeheñene ihcãquiro tũhrẽ masine. Tiquire Judã ya curua cjũno tutuariquire ijire. Tutuariquire ijiro “Yairo sohãriquire”, tiquina ni pisuriquire ijire. Tiquire pũhtoro Davi panamino iji turiariquire ijire. Watĩnore yũhdũdũcariquire ijire tiquire. Sa yero tiquire ti tunure siete ñeheñene tũhrẽ masidiquiro ijire, nidi tiquire yũhũre.

6Tiquire sa nigũ tũhogũ pũhtoro dujiro poto cordero ducugũ ihãna. Pititiaro sijoro saha bajuequina, Jesu yequina pũhtoa gãhũ tiquina watoa ducuri cordero. Tiquire tiquina wejẽdiquiro mũnano saha bajuri. Siete sahari tiriquire, siete caperi tiriquire ijiri. Ti siete caperi mehna tiquire queoye mehna buhegũ Cohãcjũ yequina pagũ bajuequina siete bajuequina yero saha ijire. Tiquina tiquire yequina pagũ bajuequina ijipihtiro ahri yehpawũ Cohãcjũ ohoriquina ijiri. 7Sa yero cordero pehe pũhtoro dujiro cahawũ esaro, tiquire poto pehe cœori tunure tuã we nedi tiquire. 8Tiquire sa tuã we negũ ihãñaẽ cuatro sijoro bajuequina, veinticuatro pũhtoa gãhũ cordero poto dũsepe curi mehna quehe sa, tiquire ño peori. Tiquina pũhtoa ijipihtiyequina arpa wame tiye bũa pũtẽñene, uru pari gãhũre cœori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiquire queoye mehna buhegũ Cohãcjũ yequina tiquire tiquina sini basari yero saha ijiri. 9-10Sa tiquire ño peoye ohõ saha ni wahma basayere tiquina basa peori tiquire:

Mũhũ tiquina wejẽdigũ ijire. Sa yegũ mũhũ dii cohãri mehna usã ñaña yerire coseri mũhũ Cohãcjũ yequina usãre iji dutigũ. Sa yegũ usãre ijipihtiyere cururi cjãnare, ijipihtiyere yahuducuyere yahuducunare, ijipihtiyere yehpari

cjānare usāpe usāre ijiphtinare mūhure cahmena dihitare usā ñañe yerire mūhu dii cohāri mehna cosere mūhu Cohācjū yequina usāre iji dutigu. Usāre ijiphtinare Cohācjū yequina ijiatinare cūri mūhu. Sa yegū pahia cūri mūhu usāre Cohācjū cahacjāna usāre iji dutigu. Sa yegū peye yehpari cjēna bui puhtoā sōri mūhu usāre. Sa yerigu ijigu mūhu ti tunure piha ñeheñene tūhrēacjū ijire mūhu, ni basa peori tiquina corderore.

¹¹Pari turi ihñagu millones angele parire ihñau. Puhtoro dujirore pititiaro sijoro saha bajuyequinare, veinticuatro puhtoare angele pehe tiquinare wahme dūca sari. Tiquina angele pari tutuaro tiquina sañuducu peogū ihñau. ¹²Ohō saha ni tutuaro yahuducu peori tiquina:

Cordero tiquina wejēdigū mūhu ijiphtiyequinare dutigu, ijiphtiyere cūogū, masi pehogū, tutua yūhdūgū ijire mūhu. Masa tiquina ñañe buhiri tiquina wejēdigū mūhu ijigū ihñana sa ni ño peoaja mūhure. “Quehnoa yūhdūgū ijire”, ninatja mūhure. Mūhure quehnoano yahuducunatja, ni yahuducu peori angele pari.

¹³Sa yegū apequina gūhure tiquina yahuducu peoye ca tagū tūhou. Ijiphtiyequina ūhmūse cjēna, ahri yehpa cjēna, catiyequina, yariariquina gūhū, pajiri ma cjēna, ijiphtiropū ijiyequina ohō saha ni yahuducu peoye ca tari:

Cohācjūre mūhu dujiropū dujigūre, Cordero gūhure mūsare pūanare quehnoano yahuducunatja. Mūsare ño peonatja. “Quehnoa yūhdūna ijire. Tutua yūhdūna ijire”, nina, ijiphtiyē decori sa niducunatja mūsare, ni yahuducu peoye ca tari.

¹⁴Sa ye tiquina pititiaro sijoro saha bajuyequina tiquina sa yahuducu peogū tūhoye “Sata ni yahuducu peoahro”, nidi. Sa ye Jesu yequina puhtoā pehe dūsepe curi mehna quehe sa Cohācjūre, Cordero gūhure ño peori.

Papera tunure tiquiro nedi tunure piha ñeheñene tūhrēne Cordero

6 ¹Came papera tunure tiquiro nedi tunure Cordero piha ñehe muhtarirore tūhrēdi. Tiquiro sa tūhrēgū ihñau. Tiquiro sa tūhrēdi bato ihcāquiro sijoro saha bajuyequina mehna cjūno, “Ihñana ahtaya”, nidi. Sa nino upo yero saha bisiri tiquiro.

²Tiquiro sa nidi bato ihñau yūhū. Yehseriquiro caballore ihñau. Tiquiro bui pesariquiro buedure cūori. Tiquirore puhtoro pesari behtore ohori apequiro pehe. Tiquiro sa ohori bato tiquiro pehe tiquirore ihña tuhtiyequinare yūhdūducaro wahari.

³Came ihcāno ñehenore tūhrē tuhasa Cordero apero ñehenore tūhrēdi tja. Tiquiro sa tūhrēdi bato apequiro sijoro saha bajuyequina mehna cjūno “Ihñana ahtaya”, tiquiro nigū tūhou tja.

⁴Sa yegū apequiro caballore sohāriquirore ihñau tja. Tiquiro bui pesariquirore tutuayere ohori apequiro pehe. Ahri yehpa cjēnare cahme wejē dutiatiquirore cūri tiquirore. Sa ye ijiphtiro cjēna cahme wejēeta ahri yehpapū. Sa yero pajiri pjī ñoseni pjīne ohori tiquirore.

⁵Came p̄arore t̄hr̄e tuhasa Cordero apero ñehenore t̄hr̄edi t̄ja. Tiquiro sa yeḡũ p̄aro tiquina yahuducuri bato apequiro sijoro saha bajuyequina mehna cj̄ũno “Ih̄nana ahtaya”, tiquiro niḡũ t̄hou.

Tiquiro sa nidi bato ñiniquiro caballore ih̄nā. Tiquiro bui pesariquiro balanza n̄c̄ũne queorore c̄ori. ⁶Tiquirore ȳh̄u ih̄nari bato sijoro saha bajuyequina watoap̄u oh̄o saha bisiro ca tari:

—Ihc̄a deco dahrari wapa mehna trigore ihc̄a kilota dúeta masa. Ihc̄a deco dahrari wapa mehna cebada wame tiye p̄erire ihtia kilota dúeta masa. Trigo, cebada ḡũh̄u pihtia waharota. Sa ye ti wapa b̄j̄ũninota. Sa ijiepeḡũta ihyaye dahreye ̄h̄se, vino ḡũh̄u peye ijininota, nino ca tari.

⁷Came ihtiarore t̄hr̄e tuhasa Cordero apero ñehenore t̄hr̄edi t̄ja. Tiquiro sa t̄hr̄edi bato apequiro sijoro saha bajuyequina mehna cj̄ũno j̄i bato tiriquiro “Ih̄nana ahtaya”, nidi t̄ja.

⁸Tiquiro sa niḡũ t̄hogu opoariquiro caballore ih̄nā. Tiquiro bui pesariquiro “Yariaḡũ yeriquiro”, wame tiri. Sa yero tiquiro bato ahtariquiro “Peca”, wame tiri. Sa yero tiquinare tutuayere ohori apequiro pehe. Ahri yehpap̄ure deco mehna ij̄yeyequina docap̄u peyequina masare wej̄e dutiri. Cahme wej̄eñe mehna, ̄j̄ua ahbaya mehna, dohatiye mehna, wahiquina n̄c̄uri cj̄ena usuayequina mehna peyequina masare tiquina wej̄eatire c̄uri tiquinare.

⁹Came pititiaro ñehedire t̄hr̄e tuhasa Cordero apero ñehenore t̄hr̄edi t̄ja. Tiquiro sa t̄hr̄eḡũ altar docap̄u Jesu yequinare tiquina wej̄ediquina jeripohnarine ih̄nā. Coh̄ãcj̄ũ yere tiquina yahuri buhiri, “Jesu yequina ij̄iaja”, tiquina ni yahuri buhiri tiquinare wej̄edi jiri. ¹⁰Tiquina sañuducuyeh oh̄o saha nidi Coh̄ãcj̄ũre:

—M̄h̄u ̄s̄ã p̄hto, ñañe marieḡu, ni mehoñe marieḡu, m̄h̄u nidiro sahata yeḡũ ij̄ire m̄h̄u. ¿Ahri yehpa cj̄enare, ̄s̄ãre wej̄ediquinare d̄h̄se ij̄iḡũ buhiri dahreitjari m̄h̄u? ni sañuducuri tiquina.

¹¹Sa yero tiquinare yehseye suhti yoaye suhtire ohori. Tiquinare sa ohoro oh̄o saha nidi tiquinare:

—Sor̄iña. Apequina m̄sa acaye Jesu yequina m̄sa yeriro sahata vojop̄u ḡũh̄ure quehnoañe buheyere buheniñe nine. M̄sare tiquina wej̄ediro sahata tiquina ḡũh̄ure tiquina wej̄e pehoato d̄hsar̄ine. Sa yena tiquinare ij̄ipihtiyequinare tiquina wej̄eato pano mehenoḡã sor̄iña m̄sa, nidi tiquinare.

¹²Came ihc̄a omope ñehedire t̄hr̄e tuhasa Cordero apero ñehenore t̄hr̄edi t̄ja. Tore tiquiro sa t̄hr̄eḡũta tutuaro yehpa ñuhm̄idi. Sa yero as̄ũ deco cj̄ũno ñiniquiro wahari. Ñini suhtiro yero saha ñiniquiro wahari. Sa yero as̄ũ ñami cj̄ũno dii yero saha soh̄ariquiro wahari. ¹³Sa ye ñahpicoha paca yehpap̄u bora dijiaa wahari. Yuc̄u d̄uca yahsayere wihnono w̄e bure dijioro saha ñahpicoha paca bora dijiaa wahari. ¹⁴Sa yero ̄hm̄use butia wahari. Papera tunure mari tor̄eḡũ bajuero saha bajuerari ̄hm̄use. Sa ye ij̄ipihtiye c̄ũn̄u cj̄ũ ḡũh̄u, n̄c̄ũro ḡũh̄u ape siep̄u esaducari. ¹⁵Sa wahaḡũ ih̄ñañe, ahri yehpa cj̄ena p̄htoa c̄ũn̄u cj̄ũ cj̄e ̄t̄ã w̄h̄usep̄u duhtiri. Apequina p̄htoa, surara p̄htoa, doeri cj̄e opana,

tutuayequina, ijipihtiyequina tiquina cahacjēna, cahacjēna ijieyequina gũhu top̄ta duhtimedi. ¹⁶Sa duhtiye, c̄n̄n̄ cj̄ure, ut̄ã w̄h̄use gũh̄ure oh̄o saha nidi:

—Us̄ã bui bora p̄jeya. Us̄ãre n̄uõña. Siquiro p̄h̄torore, dujirop̄ dujiriquirore cue yuh̄duaja. Cordero us̄ãre ñano buhiri dahrerota. Sa yena n̄uõña us̄ãre. ¹⁷Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihc̄ãquiro duhtiriquiro ihc̄ãno sahasi, nidi tiquina ijipihtiyequina.

Israe masa paḡaire Coh̄ãcj̄ũ tiquiro wame ña oh̄oatire yahuahye Ñu

7 ¹Came pititiaro angelere ih̄ñau. Tiquina ijipitirop̄ã wahari. Ihc̄ãquiro nor̄tep̄ã waharo top̄ã ahtari wihnonore ahtaeragũ yeri. Apequiro sur̄p̄ã, apequiro asũ m̄uja tarop̄ã, apequiro asũ saj̄ãnor̄p̄ã wahaye, nor̄tep̄ã wahariquiro yero saha yeri tiquina gũhu. Sa yero ahri yehp̄ap̄ã, pajiri map̄ã gũh̄ure ne wihnono ahtaerari. Ne ihc̄ãdu yuc̄uḡure wihnono ñuhmigũ yerari. ²Sa yegũ apequiro angelre ih̄ñau tja. Asũ m̄uja tarop̄ã ahtaro nidi tiquiro. Coh̄ãcj̄ũ catiriquiro tiquiro wame ña oh̄onore ne c̄ãhtar̄o nidi tiquiro. Sa ne c̄ãhtar̄o apequina pititiaro angelere tiquiro sañuducuri. Tiquina angele pehe ahri yehpare, pajiri ma gũh̄ure Coh̄ãcj̄ũ tiquiro ñano wahagũ ye dutinohriquinap̄ã ijiri. ³Tiquinare sañuducuro oh̄o saha nidi angel:

—Cohteniña. Coh̄ãcj̄ũ cahacjēna tiquina w̄h̄doã pacare tiquiro wamene oh̄õna tana niaja. Us̄ã sa oh̄oato pano ahri yehpare, pajiri mare, yuc̄uri gũh̄ure ñano wahagũ yerac̄ãh̄ña m̄usa, nidi tiquiro apequina pititiaro angelere.

⁴Sa yero Coh̄ãcj̄ũ tiquiro wame mehna tiquina w̄h̄doã pacare tiquina oh̄oatiquinare “Oh̄õpequina ijire”, ni yahuri ȳh̄ure ihc̄ãquiro. Israe masa doce cururi c̄jēna ciento cuarenta y cuatro mil masa tiquina oh̄oatiquina ijĩñohti. ⁵Ahriquina ijĩñohti tiquina oh̄oatiquina: Doce mil masa Judá panamena iji turiayequina tiquina oh̄oatiquina ijiri. Apequina doce mil masa Rubē panamena iji turiayequina tiquina oh̄oatiquina ijiri. Apequina doce mil masa Gad panamena iji turiayequina tiquina oh̄oatiquina ijiri. ⁶Apequina doce mil masa Aser panamena iji turiayequina, apequina doce mil masa Neftalí panamena iji turiayequina, apequina doce mil masa Manase panamena iji turiayequina tiquina oh̄oatiquina ijiri. ⁷Apequina doce mil masa Simeo panamena iji turiayequina, apequina doce mil masa Leví panamena iji turiayequina, apequina doce mil masa Isacár panamena iji turiayequina tiquina oh̄oatiquina ijiri. ⁸Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina oh̄oatiquina ijiri. Topequinata ijipihtiyequina masa ciento cuarenta y cuatro mil tiquiro wame mehna tiquiro oh̄oatiquina ijiri.

Peyequina yehseye suhti sañañequinare yahuahye Ñu marine

⁹Came peyequina masare ihñaa. Ijipihtiye yehpari cjenare, ijipihtiye cururi cjenare, ijipihtiye yahuducuyere yahuducuyequinare, ijipihtiye macari cjenare peyequinare Cristore cahmeñequina dihitare topu ducuyequinare ihñaa.

Puhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cuori. ¹⁰Sa ye tiquina ijipihtiyequina ohō saha ni tutuaro sañuducuri:

Cohācjū ijire usāre yūhdūoriqiro. Tiquiro dujiropu dujiriqiro ijire.

Cordero gūhu usāre yūhdūoriqiro ijire, ni sañuducuri tiquina.

¹¹Sa ye ijipihtiyequina angele, Jesu yequina puhtoa gūhu, sijoro saha bajuyequina mehna puhtoro dujiro cahapu ducuri. Sa ducuye tiquiro dujiro poto dasepe curi mehna quehe sa, Cohācjūre ño peori. ¹²Ohō saha ni ño peori tiquina:

Sa tjire. Cohācjū usā puhto, mūhure quehnoano yahuducuaja.

Quehnoa yūhdūagu ijire mūhu. Masi pehogu ijire mūhu. Mūhure “Quehnoare”, niaja. Mūhure ño peoaja. Tutua yūhdūagu ijire mūhu. Mūhu tutuaye mehna yerigu ijire mūhu. Sa ijiducugu ijire mūhu ijipihtiye decori. Sa tjire, ni ño peori tiquina.

¹³Sa yero ihcāqiro Jesu yequina puhtoa mehna cjäno yūhure sinituri: —¿Ahriquina yehseye suhti sañañequinare masiajari mūhu? ¿Tiquina ahtaritore masiajari mūhu? ni sinituri yūhure.

¹⁴Tiquiro sa nigū tūhogu,

—Masiedaja, ni yūhtii.

—¿Noa ijiajari tiquina? ni sinituu tiquirore.

Yūhu sa nigū tūhoro ohō saha nidi yūhure:

—Ahriquina ña yūhdūaro yūhdūri deco ijigū ihcāno sahayequina ijire. Tiquina suhti cosenohriquina tiquina ijiro saha Cordero tiquiro dii cohāno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

¹⁵Sa tiquiro cosenohriquina ijire Cohācjū dujiro poto tiquirore sa ño peoducure.

Decoripe, ñaminipe tiquirore sa ño peoducure, pahia Cohācjū wūhūpu tiquina yeriro saha. Sa yero tiquina mehna sa ijiducuro, tiquinare

yedohorota Cohācjū “Sijoro saha wahari”, nino. ¹⁶Ne pari turi tija ahasi tiquina. Sa ye ne aco wūosi tiquina. Ne asū deco cjäno asiye tiquina asiye

posi. Tutuaro asiye tiquinare ñano yūhdūgū yesi. ¹⁷Puhtoro dujiro poto

ducuriqiro Cordero tiquinare ihña ihborota. Ovejare ihña ihboriquiro

yero saha tiquinare ihña ihborota. Sa yero mári pohteripu catigū yeye

mári pohteripu tiquinare uhmū tā cānota, ovejare ihña ihboriquiro tiquiro

uhmū tā cāno saha. Sa yero sa bucueducugū yerota tiquinare. Sa ye ne

pari turi utisi tiquina, nidi Jesu yequina puhtoa mehna cjäno yūhure.

**Seis papera tunurine tiquina piha ñehedire tuhrē
tuhasaro aperore tuhrēahye tja Cordero**

8 ¹Seis papera tunurine tiquina piha ñehedire tuhrē tuhasaro aperore tuhrēdi tja Cordero. Tiquiro sa tuhrē tuhasagū hora deco topu uhmusepu quehnoano dihta mariaa wahari. ²Sa yegu siete angelere Cohācjū poto ducuyequinare ihñau. Sa yero tiquinare siete cornetarire ohori apequiro. ³Apequiro angel uru pare bueye ehme sitiye pose yeati pare cūoriquiro altar cahapu esa, ducuri. Topu tiquiro ducugū peye ehme sitiye tiquirore ohori ijipihitiyequina Cohācjū yequina tiquirore tiquina sinidi mehna moreaire. Sa yero uru altarpū Cohācjū dujiro caha ijiri altarpū ti ehme sitiye bueri Cohācjūre. ⁴Sa ye angel tiquiro cūori pa cjē ehme sitiye altarpū tiquiro poho siteri bato ti ehme sitiye cjē ohmeo Cohācjū yequina tiquirore tiquina sinidi mehna mūjaa wahari. ⁵Sa wahari bato altar cjē nitine ti papu wehe sāa tuhasa, yehpapu doque cūri. Tiquiro sa doque cūgūta mia sitedoqueo, tutuaro upo pari. Sa yero sijoro saha ijiro bisi maa, yehpa ñuhmi maari.

Cornetarire yahuahye Ñu

⁶Came siete angele tiquinape tiquina cornetarire putie tee nidi.

⁷Ihcāquiro angel tiquiro yariare puti mūhtari. Tiquiro sa putigū aco paca yusūaye paca, peca mehna, dii mehna moreñe paca yehpapu doque dijiori. Sa doque dijioğūta yehpa ujuā wahari. Ohō puno ujūri: Ahri yehpa deco esaro taro yemehno ujuā wahari. Sa yero to puno poseta yucūri gūhu, taa gūhu ujuā wahari.

⁸Angel ihcāquiro tiquiro sa puti mūhtari bato apequiro angel tiquiro yaria cornetare putiri tja. Tiquiro sa putigū pajidu cūnu yero saha bajudu quehnoano ujuđucudu pajiri mapūre waha maa ñojoaa wahari. Sa yero yehpa ujuřiro puno to punota pajiri ma dii ma dojoa wahari. ⁹Sa ye pajiri ma cjēna wahi deco mehna meheno esaboro yariaa wahari. Sa ye tope yucūsari gūhu minia wahari pajiri mapūre.

¹⁰Pūaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū pajiria ñahpicoha, sihāria yero saha asiria yehpapu bora sa quehea wahari. Ahri yehpa cjē mări deco mehna meheno esaboro tope mări bui bora sa quehea wahari ñahpicoha. Tope mări pohteri bui bora sa quehea wahari. ¹¹Tope mărita suēñe mări wahari. Sa wahagū peyequina masa ti mări cjē acore sihnime, yariaa wahari. Tia ñahpicoha “Suēnia”, wame tiri.

¹²Ihtiaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū asū deco cūno, ñami cūno gūhu deco mehna meheno esaboro dojoa wahari. Ñahpicoha pari gūhu deco mehna meheno esaboro tope pacata dojoa wahari. Tope paca uhmuse cjē paca quehnoano buhriouerari. Decopu pititia hora waro asū deco cūno ne buhriouerari. Ñamine pititia hora waro asū ñami cūno, ñahpicoha pari gūhu ne buhriouerari.

¹³Came ihñadoque m̄ou tja. Ʋhm̄sep̄u w̄ariquiore cac̄ure ihñau. Sa yeḡu tiquiro sañuducuḡũ t̄hou. Oh̄o saha nidi tiquiro:

—Ña yuhduare. Ña yuhduare. Ihtiaro angele d̄hsari yojop̄u putiatiquina. Tiquina putiri bato ña yuhduaro waharota. Sa wahaḡũ ahri yehpar̄u ijieyequina ña yuhduaro yuhdueta, nidi tiquiro.

9 ¹Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putiḡũ ñahpicoha yero saha ijiriquiro angel Ʋhm̄sep̄u bora dijia tariquiore ihñau. Sa yero tiquirore Ʋhc̄ūari cope c̄j̄a sawire ohori. ²Sa yero tiquiro ti copere tiquiro p̄oḡũ peca ohmeo wijiari. Pajiri peca c̄j̄e ohmeo yero saha pajiro ohmeo wijiari ti copere. Sa wijiario ti ohmeo duita as̄ũ deco c̄j̄unore, Ʋhm̄se ḡũh̄ure butia wahaḡũ yeri. ³Sa ye ti ohmeo puhia p̄u ijieyequina poreroa yehpar̄u ahtari. Sa ye cutipa tiquina tutuaro pur̄ino saha tiquina ḡũh̄u tutuaro pur̄idi. ⁴Sa yero taare, yuc̄arire, apeye oteyere ñano ye dutierari tiquinare. Masa dihitare ñano ye dutiri tiquinare. Coh̄c̄j̄ũ wamene tiquina w̄h̄doa pacare oh̄omehneñequina dihitare ñano ye dutiri tiquinare poreroare. ⁵Sa ñano ye dutierperota tiquinare wej̄e dutierari. Tiquinare wej̄e dutieraperota ihc̄a omope as̄ũri waro tiquinare ñano pur̄iḡũ ye dutiri. Cutipa toaye tiquina pur̄ino saha pur̄iḡũ yeyequina ijiri poreroa ḡũh̄u. ⁶Tiquinare tiquina sa pur̄iḡũ yeḡu masa yariaa duaeta. Tiquina sa yaria duepeḡũta tiquinare yaria dutisi.

⁷Poreroa pehe caballo yero saha bajuri. Tiquina cahme wej̄eato pano caballoare tiquina suhti s̄aariro saha sa bajuyequina ijiri tiquina poreroa ḡũh̄u. Tiquina dapu paca bui p̄h̄toa pesaye behtori uru behtori yero saha bajuri. Tiquina w̄h̄doa paca masa yero saha bajuri. ⁸Tiquina poari numia poari yero saha ijiri. Sa ye tiquina upiri yayia upiri yero saha ijiri. ⁹Jeripohna cahmotari cahsero come cahsero yero saha bajuri tiquina cutiro. Sa ye tiquina w̄ḡũ peyequina caballo omañequina tiquina omano saha tiquina w̄ḡũ bisiri. Caballoa tunuñe paca wejeyequina tiquina cahme wej̄enop̄u wahaye, tiquina bisiro saha bisiri poreroa w̄ḡũ. ¹⁰Sa ye cutipa pic̄ono tiro saha, toaria tiquiro c̄uoro saha ijiri tiquina poreroa. Sa ye tiquina toaye paca mehna toaye, ihc̄a omope as̄ũri waro masare pur̄iḡũ yeri. ¹¹Sa ye tiquina p̄h̄toro tiyequina ijiri. Ʋhc̄ūari cope up̄aro ijiri tiquina p̄h̄toro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

¹²Poreroa masare ñano tiquina pur̄iḡũ yeri bato ahri tiquina ñano yuhdu m̄htariro pih̄tia wahari. To bato p̄ua taha pari turi ñano yuhdueta masa.

¹³Came ihc̄a omopequina angele tiquina putiri bato apequiro angel tiquiro yaria cornetare putiri tja. Tiquiro sa putiḡũ Coh̄c̄j̄ũ caha ducuri altar p̄u uru altar p̄u yahuducuye bisi wijiario ca tari. Ti altar c̄j̄e sahari pititia saharop̄u yahuducuye bisi wijiario ca tari. ¹⁴Sa yahuducuro cornetare putiriquiro angelre yahuri:

—Eufrates wame tiri ma pajiri map̄u peresup̄u ijieyequinare angelere wioya. Tiquina pititiaro angele ijire, nino ca tari.

¹⁵Sa niḡũ t̄horo angel pehe tiquinare pititiarore wiori, peyequina masare wej̄eatiquinare. Ahri c̄h̄mare, ahri as̄ũre, ahri decore, ahri horare queoro

cohteye nidi tiquina pititiaro angele. Tiquina cohteriro esa tuhasare. Sa ye wejêne tee nine. Ijipihtiyequina deco esaboro caha masare wejêatiquina ijire. ¹⁶Sa yegũ tiquina yequina surarare “Ohõpequina ijire”, tiquina nigũ tãhou. Tiquina caballoa bui pesayequina ijiri. Doscientos millones surara ijiri.

¹⁷Sa yegũ caballoare tiquina bui pesayequina gũhũre ihñau. Sa ye caballoa bui pesayequina tiquina jeripohnarine cahmotaye suhti come suhti sohãne suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohãnequina yero saha bajuri. Tiquina dũseripũ peca, ohmeo, azufre wame tiye ohmeo gũhũ wijiari. ¹⁸Sa ye caballoa dũseripũ wijiaye masare wejêdi. Ijipihtiyequina deco mehna meheno esaboro waro topequina masare wejêdi. Sa ye peca mehna, ohmeo mehna, azufre mehna peyequina masare wejêdi. ¹⁹Tiquinare caballoa dũseri mehna wejêdi. Sa ye caballoa picõri mehna wejêdi tja. Tiquina picõri sohtoapũ añaa dapu paca yero saha bajuri. Sa ye tiquina picõri mehna ñano yeri tiquina masare.

²⁰Peyequina masa yarieyequina tiquina wejê dũhariquina pehe tiquina ñaãe yerire ne duhuerari. Watĩare ño peo duhuerari. “Cohãcjũ ijire”, tiquina niñe queoye gũhũre ño peo duhuerari. Ti queoye uru mehna, plata mehna, bronce wame tiye come mehna, utã mehna, yucũri mehna tiquina yeri queoye ijiri. Sa ye ti queoye pehe ihñedari. Tũhoerari. Tiniedari. ²¹Peye ñaãe gũhũre tiquina ne bujũa witiarari. Masare tiquina wejêdire, tiquina numia mehna tiquina ñano yerire, tiquina yaqueri gũhũre ne bujũa witiarari tiquina. Sa ye masare ujuayequina yayia tiquina yero saha ye, ti gũhũre ne bujũa witiarari tiquina.

Meheni tunugãre papera tunugãre ne cãhtahye angel

10 ¹Came apequiro tutuariquiro angel ãhmũsepu tiquiro dijia tagũ ihñau. Ehmeo curua watoapũ ahtari. Sa yero buheni da tiquiro dapu bui pesari. Tiquiro wũhdoa asũ deco cjũno yero saha asi siteri. Tiquiro ñecari ãjũri peca yero saha bajuri. ²Sa yero meheni tunugã papera tunugãre tiquiro pãri tunugãre cũori tiquiro. Tiquiro dahpocã poto pehe cjã dahpocã mehna pajiri mapũ cũhta cũri. Tiquiro dahpocã cũ pehe pehe mehna dihtapũ cũhta cũri. ³Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedí. ⁴Tiquina sa yahugũ tũhogũ ojoa dũcami. Yũhũ sa ojoa dũcagũta ãhmũsepu yũhũre yahuducuro ca tari.

—Siete upoa tiquina nidire apequinare yahueracãhña. Sa yegũ tire ojoa nedacãhña, nino ca tari yũhũre.

⁵Tiquiro sa nidi bato pajiri mapũre cũhta cũ, dihtapũre cũhta cũriquiro angel tiquiro omoca poto pehe siõdoque mũori ãhmũsepu. ⁶Sa siõdoque mũono Cohãcjũ sa catiducuriquiro wame mehna wame peori. Tiquiro Cohãcjũ pehe ijipihtiyere ãhmũsere, ãhmũse cjẽne, ahri yehpare, ahri yehpa cjẽne, pajiri mare, pajiri ma cjẽne yeriquiro ijire. Sa yero ohõ saha nidi angel:

—Cohãcjũ mehna poto nii niaja. To punota cohtenatja. ⁷Seis angele cornetarire tiquina putiri bato apequiro angel putigũ Cohãcjũ panopũ tiquiro “Ohõ saha

yeitja” nidiro sahata yerota. Panopu masare tire quehnoano yahuerahye. Came tiquiuro cahacjēnare, tiquiuro yere yahu mūhtariquina pehere quehnoano yahu pehoahye tiquiuro. Ti tiquiuro yahu cūrire yojopure yerota tiquiuro, nidi angel.

⁸Tiquiuro sa nidi bato ũhmūseru yūhure yahuducuriquiuro pari turi yahuducuro ca tari tja. Ohō saha nino ca tari yūhure:

—Pajiri mapu cūhta cūriquiuro dihtapu cūhta cūriquiuro siquiuro angel cahapu wahaya. Sa wahagu papera tunugāre tiquiuro cūori tunugāre neña, nino ca tari yūhure.

⁹Tiquiuro sa nigū tūhogu angel cahapu wahu. Tiquiuro papera tunugāre yūhu sinigū tūhoro ohō saha ni yūhtiri yūhure:

—Neña. Sa yegu ahri tunu papera tunugāre ihyaya. Mūhu coā ihyagū umi yero saha quehnoano bisirota. Mūhu paapu mūhu ihya sōri bato sūēñe waharota, nidi yūhure.

¹⁰Tiquiuro sa nigū tūhogu ti tunugāre angelre yūhu nedi bato ihyau. Yūhu coā ihyagū umi yero saha bisiri. Yūhu ihya sōri bato yūhu paapu sūēno wahu. ¹¹Yūhu sa ihyari bato ohō saha nidi yūhure:

—Pari turi ijipihtiye macari cjēna, ijipihtiye yehpari cjēna, peye yahuducuyere yahuducuyequina, tiquina pūhtoa gūhu came tiquina dūhse wahatire yahuyuya mūhu, nidi yūhure.

Puaro Cohācjū yere yahuatiquinare yahu ojoahye Ñu marine

11 ¹Came yūhure queodure ohori Cohācjū. Tuadu puno yoadu ijiri tu. Tūre ohoro ohō saha nidi yūhure:

—Ya wūhure queogu wahaya. Ti wūhu cjā altar gūhure queoya. Sa yegu ti wūhuru yūhure ño peoyequinare queoya. ²Sopecaha wijia saducari paare quehnoari paare queoeracāhña. Ti paa yūhure cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhure ñano yeeta. Sa yegu queoeracāhña tiquina ya paare quehnoari paare. ³Sa yegu yeere yahuatiquinare puarore ohoutja. Mil doscientos sesenta decori waro yeere yahueta. Masa dija suhtire sañañequina ijietta tiquina yūhu yahu dutiyequina, ni yahuri yūhure.

⁴Ahri yehpa cjēna pūhoro poto puadu Olivo wame tiye cju ducure. Puadu sihā peoye cju gūhu ti cju cahapu ducure. Ti cju mehna queoye mehna yūhu buhegū ahriquina puaro mari pūhoro yere yahuyequina ti cju yero saha ijire. ⁵Sa ye tiquinare ihña tuhtiyequina tiquinare ñano ye duagū tiquina pehe dūseri cjē peca mehna ũjūa pehoeta tiquinare ihña tuhtiyequinare. Sata tiquinare ñano yeyequinare wejēta tiquina puaro mari pūhoro yere yahuyequina pehe. ⁶Sa ye tiquina puaro acoro ahta dutieragū acoro ahtasi. Sa yero mari pūhoro yere tiquina yahuro puno acoro ahtasi. Sa ye mārīne dii mārī wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijiyere, ijipihtiyequina dūhse ijiyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

⁷Tiquina sa ye pehogū ũhcuāri copepū ijiriquiro ñariquiro nūcū cǵūno wijiaraota. Sa wijiara Cohācǵū yere yahuyequina mehna cahmequenota. Sa cahmequeno tutua yūhdūdcaro tiquinare wejēnota. ⁸Tiquiro sa wejēdi bato tiquina paguri pajiri maca cǵā mahapū cuñaeta. Yahuyequina pūhtoro tiquina quē biha wejēdi maca ijire ti maca. Ti maca cǵēna ñañequina ijiye Sodoma cǵēna, Egipto cǵēna yero saha ijire. ⁹Sa cuñañe ihtia deco quehnoano cuña, ape deco deco mehna tiquina paguri mahapū cuñaeta. Sa ye ijipihtiye yehpari cǵēna, ijipihtiye cururi cǵēna, ijipihtiye yahuducuyere yahuducuyequina tope decori waro tiquina pagurire ihñaduceta. Sa ye tope decori waro tiquina pagurire ya dutisi. ¹⁰Tiquina sa yariariquina ijigū ihñañe ahri yehpa cǵēna bucueeta. Sa bucueye bose decore yeye, tiquina basi apee borore sa oho quēeta. Tiquina pūaro Cohācǵū yere yahuyequina masare ñano yūhdūgū yeriquina ijiahye. Sa ye tiquina sa yariagū ihñañe bucue yūhdūeta ahri yehpa cǵēna.

¹¹Sa yero ihtia deco ape deco deco mehna bato Cohācǵū tiquina pagurire masonota. Tiquiro sa masogū tiquina pari turi wahcādūcaeta. Tiquina sa wahcādūcagū ihñañe ijipihtiyequina cue yūhdūeta tiquinare. ¹²Came tiquina pūaro ũhmūsepū tutuaro yahuducugū tūhoeta. Ohō saha ninota tiquinare.

—Ohōpū mǵja taya mūsa, ninota.

Tiquiro sa nigū tūhoye ehmeo curua watoa mǵjaa wahaeta. Tiquina yabiriquinare mǵjagū ihñañeta masa. ¹³Tiquina sa mǵjagūta yehpa tutuaro ñuhminota. Sa ñuhmigū ti maca cǵē wūhuse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dūhsariquina pehe acūaa wahaeta. Sa ye Cohācǵūre ũhmūse cǵūnore “Tutuagu ijire” ni ño peoeta tiquirore.

¹⁴Ahri ijipihtiye tiquina sa wahari bato pūa taha masa ñano yūhdū tuhsariquina ijieta. Tiquina sa yūhdūri batogāta pari turi duita masa ñano yūhdūeta tja.

Seis cornetarire tiquina putiri bato apequiro putiahye

¹⁵Came seis cornetarire tiquina putiri bato apequiro angel tiquiro yariare putiri. Tiquiro sa putigū ũhmūsepū tutuaro yahuducuye ca tari. Ohō saha nino ca tari:

Yojopū mari Pacū, Cristo mehna ahri yehpa cǵēna pūhtoa ijieta. Sa yero pūhtoro sa ijiducurota Cohācǵū, nino ca tari.

¹⁶Sa ye Cohācǵū poto pūhtoa dujiyepū dujiyequina veinticuatro Jesu yequina pūhtoa Cohācǵū poto quehe sa, tiquirore ño peori. ¹⁷Sa ño peoye ohō saha nidi:

Ūsā pūhto Cohācǵū, tutua yūhdūagu ijire mūhū. Mūhū panopū sa ijiducuahye. Sa yegū yojopū gūhūre sa ijiducure. Camepū ahtahta mūhū. Mūhū tutuaye mehna masa tiquina pūhto mūhū ijidūcagū “Quehnoare” niaja mūhūre. ¹⁸Ijipihtiyequina ahri yehpa cǵēna mūhūre cahmedariquina mūhū mehna usuamedī. Yojopūre tiquinare mūhū buhiri dahreati pje ijire. Yariariquina gūhūre mūhū buhiri dahreati pje ijire. Sa yero mūhū yequina pehere quehnoañene tiquina yeri wapare

mũhu ohoati pje ijire. Ihquẽquina tiquina mũhu cahacjẽna mũhu yere yahu mũhtariquina ijire. Sa ye tiquina, apequina mũhu yequina mehna ijipihtiyequina mũhure ño peoyequina ijire. Sa yegũ pũthoate, ihyo ijieyequina gũhure mũhu yequina tiquina ijiri wapa quehnoano yeita mũhu. Sa yero ahri yehpa cjẽnare dojomehne cohteriquinare mũhu cohãti pje ijire yojopũre, ni ño peori pũthoa Cohãcjũre.

¹⁹Tiquina sa yeri bato ãhmũse cjã wũhu Cohãcjũ ya wũhu tiquiro pũori wũhu ijiri. Sa yena ti wũhũpũ ijiri acarore ihñaũ. Ti acaro puhĩapũ Cohãcjũ masare tiquiro yedohoatire yahuri pũ sañari. Yũhu sa ihñağũta mia sitedoqueo, upo pa maari. Sa yero sijoro saha ijero bisi maa, yehpa ñũhmi maa, aco paca yũsũaye paca ãhmũsepũ peye bora dijia tari.

Numino gũhure pinono gũhure yahuahye Ñũ

12 ¹Came ahri yehpa dũhse wahatire ãhmũsepũ ihñori. Tiquiro sa ihñori ihyo waro ijierari. Ohõ saha ihña mũhtaũ: ãhmũsepũ numinore ihñaũ. Ticoro suhtiro asũ deco cjũno yero saha asi siteri. Sa yero asũ ñami cjãno bui ducuri. Pũthoro pesari behto borore doce ñahpicoha paca cũori behtore pesaricoro ducuri. ²Sa yero mehenogã dũhsari ticoro pohna tiato. Sa yero ticoro sañuducuri. ³Came pari turi ihñaũ ãhmũsepũ tja: Pajiriquiro pinonore sohãriquirore ihñaũ. Siete dapu paca tiriquiro ijiri. Ijipihtiye tiquiro dapu paca pũthoa pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro. ⁴Tiquiro picõno mehna ñahpicoha pacare wahba sitedoque dijiori yehpũpũ. Ijipihtiye ñahpicohare deco esaboro caha wahba sitedoque dijiori. Sa yero numino pohna tiaticoro poto ducuri pinono. Ticoro macũnogã bajuagũ tiquirogãre ihyaro taro nimeri. ⁵Camegãta cũo tuhasari nijinogãre. Ijipihtiye yehpari cjẽna pũthoro ijiatiquiro ijiri tiquirogã. Tiquiro sa pũthoro tutuariquiro ijigũ, masa tiquirore yũhdũducaye ihcãno sahasi. Tiquiro sa masa bajuagũta Cohãcjũ tiquiro dujiro cahapũ tiquirogãre ne cãa wahari. ⁶Tiquiro sa yegũ numino pehe masa marienopũ duhti cãa wahari. Cohãcjũ tiquiro quehnoyuriropũ duhti cãa wahari ticoro. Topũre mil doscientos sesenta decori waro Cohãcjũ ticorore ihña ihburi.

⁷Coã waropũre ãhmũsepũ cahme wejẽ dũcahye. Miguel wame tiriquiro angel tiquiro yequina angele gũhu pinono mehna cahmequeahye. Tiquina sa cahmequegũ pinono tiquiro yequina angele mehna Miguel gũhu mehna cahmequeahye. ⁸Sa ye Miguel gũhu pinonore yũhdũducayehye. Sa yero pinono yequina angele gũhure ãhmũsepũ iji nemo dutierahye. ⁹Sa yero pajiriquiro pinonore cohã cãhye Cohãcjũ. Tiquiro pinono watĩnota ijero nidi. Satana wame tiriquiro ijiri. Panopũ tiquiro pinono pagũ saha bajuriquiro ijiahye. Sa yero ijipihitiri yehpa cjẽnare ni mehoriquiro ijire. Tiquirore tiquiro yequina angele mehna yehpũpũ cohã dijioahye.

¹⁰Came ãhmũsepũ sañuducuro ca tagũ tũhũo:

Yojopũre mari Pacũ masare yũhdũori. Yojopũ pũritare mari Pacũ mari pũthoro ijero ahtari tiquiro tutuayere ihñono taro. Sa yero tiquiro

ohoriquiro Cristo gũhũ tiquiro pũhoro ijyere tiquiro tutuayere ihñori ijipihtyequinare. Watĩnore uhmũsepũ ijiriquirore yehpapũ cohã dijiori. Sa yero tiquiro tutuayere ihñori mari Pacũ. Tiquiro watĩno pehe decoripe, ñaminipe Jesu yequinare “Ahriquina ñañequina ijire”, ni yahusãno niahye mari Pacure. Sa yero mari acayere Jesu yequinare yahusãriquiro ijiahye. ¹¹Cristo Cordero wame tiriquire tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijyere, watĩnore yũhdũdũcari. Sa ye quehnoañe buheyere buheye, watĩnore yũhdũdũcari. Tiquiro yere buheye apequina tiquinare wejẽ duepegũta, Cristo yere duhuerari. ¹²Sa yena mũsa uhmũse cãna bucueya. Watĩnore yehpapũ tiquiro cohã dijigũ ihñana bucueya. Sa yepegũta ahri yehpa cãna, pajiri ma cãna gũhũ pejecũona wahanata mũsa pehe. Mũsa cahapũ dijiri watĩno. Tiquirore buhiri dahreato mehenogã dũhsare. Sa yero usua yũhdũare tiquiro. Mũsa cahapũ tiquiro esagũ pejecũona mũsare tojoagũ yerota tiquiro, ni saũducugũ tũhou.

¹³Sa yero pinono tiquiro cohã dijiriquiro numinore, nijinogã pacorore nũnũ tã cãri. ¹⁴Sa yero ticorore pajiriquiro cacũ tiquiro wũye dũpũrĩre ohori Cohãcãjũ, masa marienopũ ticoro wũ duhti cãtore. Topũ ticoro esari bato ihtia cũhma quehnoano ape cũhma deco waro ticorore ihña ihbori Cohãcãjũ. Tiquiro sa ihña ihbogũ pinono ticorore ñano ye masiedari. ¹⁵Topũ ticoro ijigũ ihñano pinono acore pajiro puti sitedoqueori ticorore miono taro. ¹⁶Tiquiro sa yegũ yehpa pehe ticorore yedohori. Pinono dũseropũ wĩjiaye acore yehpa pehe aco ihmi peho cãri. ¹⁷Sa wahagũ ihñano pinono numino mehna usua yũhdũari. Sa usuaro ihquẽquina ticoro panamena jji turiayequina mehna cahmequeno wahari. Tiquina pehe Cohãcãjũ dutiyere yeyequina ijyere, Jesu ye buheyere quehnoañe buheyere ne duhueyeyquina ijiri. ¹⁸Sa yero pinono pajiri ma dũhtũ cahapũ ducuri.

Pũaro nũcũ cãenare yahuahye Ñũ

13 ¹Pajiri ma dũhtũ cahapũ ducugũ, nũcũ cãũnore ti mapũ ijiriquirore wahcã pahagũ ihñaũ. Tiquiro pehe siete dapu paca, diez sahari waro cũoriquiro ijiri. Tiquiro sahari pũhtoa pesaye behtori borore pesari. Sa yero tiquiro dapu pacare tiquiro wamene ojoa ohõri dapu paca ijiri. Ti wame tiquiro ñano wame tigũ ihña yabiri Cohãcãjũ. ²Sa yero tiquiro nũcũ cãũno yairo dohroriquiro yero saha bajuri. Sa yero mie yero saha dahpocãri tiriquire ijiri. Sa yero yairo sohãriquiro pajiriquirodu yero saha dũsero tiriquire ijiri. Sa yero pinono pehe tiquiro tutuayere ohori nũcũ cãũnore. Sa ohoro tiquirore pũhoro dũjiropũ cũno tiquiro yero saha peyequina masare dutigũ yeri pinono nũcũ cãũnore. ³Ihcã dapu nũcũ cãũno dapu tiquina wejẽbo cureriquiro dapu yero saha bajuri. Sa bajuepegũta tiquiro camino pehe yatia wahari. Ti dapu catigũ ihñañe, ihña maria wahari ijipihtyequina ahri yehpa cãena. Sa ihña maria wahaye, nũcũ cãũnore ño peori. Sa ye tiquiro yequina wahari masa. ⁴Sa ye nũcũ cãũnore

pinono tiquiro tutuayere tiquiro ohogũ ihñañe masa pehe tiquirore pinonore dusepe curi mehna quehe sa, ño peori. Sa ye nucu cjũno gũhure dusepe curi mehna quehe sa, tiquirore ño peori. Sa ño peoye ohõ saha nidi:

—Ne apequiro mũhu yero saha tutuariquiro mariedare. Apequiro mũhure ne yũhdũdũca masiedare, ni ño peori masa nucu cjũnore.

⁵Sa yero tiquiro nucu cjũno “Tutua yũhdũdũcagũ ijiaja”, tiquiro niepegũta Cohãcjũre tiquiro ñano yahuducuepegũta sa tuhutu cãrĩdi Cohãcjũ pehe. Sa yero cuarenta y dos asũri waro tiquiro nucu cjũno masare dutinimedi. To punota tiquiro pũhtoro ijigũ cahmedi Cohãcjũ. ⁶Sa yero tiquiro Cohãcjũre ñano yahuducuri. Tiquiro wamene, tiquiro ya wũhure, uhmũsepu tiquiro ijero cjẽna gũhure ñano yahuducuri nucu cjũno. ⁷Sa yero Cohãcjũ yequinare cahme wejẽno tiquinare yũhdũdũcari. Tiquiro sa yepegũta sa ihña cãrĩdi Cohãcjũ. Cohãcjũ tiquiro sa ye dutieragũ yeraboya. Sa yero ijipihtiequina ahri yehpa cjẽna bui pũhtoro ijinimedi nucu cjũno. Ijipihtie cururi cjẽna bui, ijipihtiequina macari cjẽna bui, yehpari cjẽna bui, ijipihtie yahuducuyere yahuducuequina bui pũhtoro ijinimedi tiquiro. ⁸Sa ye ijipihtiequina ahri yehpa cjẽna tiquiro nucu cjũno poto dusepe curi mehna quehe sa tiquirore ño peori. Ahri yehpare Cohãcjũ tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa ohõ tuhasahye. Ti tju tiquiro sa ojoa ohõri tju Cordero tiquina wejẽdiquiro ya tju ijire. Ti tjupe tiquina wamene ojoa ohõnohedariquina dihita nucu cjũnore ño peori.

⁹Cahmo tina ijire mũsa. Sa yena tuhoya. ¹⁰Ijipihtiequina masare peresu yenohatiquinare came tiquinare peresu yeeta. Ijipihtiequina masa ñose wejẽnohatiquinare tiquinare ñose wejẽeta. Tire masina mari Cohãcjũ yequina ñano yũhdũepenata tiquirore cohãedacũhna. Sa yena tiquirore wacũ tutuũhna.

¹¹Came apequiro nucu cjũnore ihñaũ tja. Yehpa puhiapu ijiriquiro wijiagũ ihñaũ. Pua saharo oveja sahari yero saha bajuye sahari sahari tiriquireo ijiri. Sa yero pinono yero saha yahuducuri. ¹²Sa yero nucu cjũno iji mũhtariquiro pehe came ijiriquiro pehere pũhtoro sõri. Tiquiro sa pũhtoro sõnohriquireo pehe ijipihtie yehpari cjẽnare iji mũhtariquirore ño peogũ yeri. Iji mũhtariquiro nucu cjũno tiquina wejẽbo cureriquiro camino yatiriquiro ijiri. ¹³Sa yero came ijiriquiro nucu cjũno tutuaye mehna ye ihñori masa tiquina ihña mariatore. Sa yero masa tiquina ihñonopũ peca pajiri peca uhmũsepu bora dijia tagũ yeri. ¹⁴Sa yero iji mũhtariquiro ihñonopũ apequiro nucu cjũno pehe tutuaye mehna masare mehori “Ahriquireo mũsa ño peoatiquiro ijire”, nino. Sa yero tiquiro masare mehono, iji mũhtariquiro queoyere masare ye dutiri. Tiquiro iji mũhtariquiro ñoseni pjĩ mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apequiro nucu cjũno masare. Tiquina sa yegũ Cohãcjũ yabieperota sa ihña cãrĩahye. ¹⁵Sa yero came ijiriquiro nucu cjũno pehe iji mũhtariquiro queoyere catigũ yeri masare ti queoye dutiato saha. Sa yero ti queoyere ño peoyequinare wejẽ dutiri masare queoye pehe. ¹⁶Sa yero ijipihtiequinare tiquina omocari poto pehe, tiquina wũhdoa paca gũhure ojoa ohõ dutiri nucu cjũno came ijiriquiro. Ihyo ijiequinare, pũhtoare, doeri

cjẽ opanare, pejecuoyequinare, tiquina cahacjẽnare, cahacjẽna ijieyequinare, ijipihtiyequinare tiquina omocarine tiquina wãhdoa paca gãhũre ojoa ohõ dutiri. ¹⁷Tiquiro iji mãhtariquiro nũcu cjũno tiquiro wamene, tiquiro ya numerore ojoa ohõnequinare ne dú dutierari. Sa yero tiquinare dua dutierari.

¹⁸Tire quehnoano wacũ masiña mũsa. Tũho masina ijina nũcu cjũno tiquiro ya numerore quehnoano ihña masiña. Ti numero mũmno wame yero saha ijire. Ti numero seis cientos sesenta y seis ijire.

Cohãcjũ tiquiro yũhdũoriquina wahma basayere basahye

14 ¹Came Siõ wame tidũ cãnũ bui ducuriquirore Corderore ihñaũ. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pacũro ye wame gãhũre tiquina wãhdoa pacare tiquina ojoa ohõnohriquina ijiri. ²Tiquinare yũhũ ihñagũta mũmũsepũ yahuducuro ca tari. Pajiri peo bisiro saha mũpo tutuaro bisiro saha bisiro ca tari tiquiro yahuducuye. Sa yero arpa wame tiyere tiquina bũa pũtẽno saha bisiro ca tari tiquiro yahuducuye. ³Topũ pũhtoro dujiro cahapũ pititiaro sijoro saha bajuyequina, Jesu yequina pũhtoa gãhũ ijiri. Sa ye tiquina poto ciento cuarenta y cuatro mil masa ducuri. Topũ ducuye, wahma basayere basaye nidi. Ti basayere tiquina dihita masidi. Cristo yũhdũoriquina dihita ti basayere masidi. Tiquina ahri yehpũpũ ijimediquina tiquiro ne mũoriquina ijiri. ⁴Ne tiquina ihcã tahagã numino mehna ñano yerari. Sa ye Corderore ihña cũnequina ijieye, tiquiro yere sa yeducuyequina ijiri. Sa yero ñañequina mehna ijieyequinare tiquiro yũhdũoatiquinare nedi Cohãcjũ pehe. Sa tiquiro yũhdũoriquina ijieye, Cohãcjũ yequina ijiatiquina, Cordero yequina ijiatiquina gãhũ iji mãhtariquina ijiri. ⁵Sa ye tiquina mehna cjẽna ne ihcãquiro ni mehoriquiro mariedare. Sa ye Cohãcjũ tiquiro tũhotugũ ñañe marieñequina ijiri tiquina.

Ihtiaro angele yahuducu dijioahye

⁶Came mũmũsepũ wũriquirore angelre ihñaũ. Tiquiro ahri yehpa cjẽnare, ijipihtiye cururi cjẽnare, ijipihtiye yahuducuyere yahuducuyequinare, ijipihtiye yehpari cjẽnare, quehnoañe buheyere yahuatiquiro ijiri. Ti buheye ne comesaeraye, sa ijiducure. ⁷Sa yero angel sañuducuro ohõ saha ni yahuducu dijiori:

—Cohãcjũre cueya. “Tutua yũhdũagũ, quehnoa yũhdũagũ ijire”, niña tiquirore. Yojoũpũre masare tiquiro buhiri dahreati pje ijiro nine. Tiquiro mũmũsere, ahri yehpare, pajiri mare, mãri pohteri gãhũre yeriquiro ijire. Sa yena tiquirore dũsepe curi mehna quehe sa, ño peoya, ni sañuducuri angel.

⁸Tiquiro sa nidi bato apequiro angel mũmũsepũ wũriquiro ohõ saha ni yahuducu dijiori:

—Tiquinare cohã cãhri. Pajiri maca Babilonia wame tiri maca cjẽnare cohã cãhri Cohãcjũ. Tiquina tiquiro cohãriquina pehe ijipihtiyequina apequinare ñano yegũ yeri. Queheyequina vinore tiquina tutuaro cahmeno saha tiquina

ñañene tutuaro cahmeñe, Babilonia cjēnare ihña cūri. Sa yero Cohācjū tiquinare tutuaro buhiri dahreri, ni yahuducu dijiori apequiro angel.

⁹⁻¹⁰Tiquina p̄aro angele tiquina sa nidi bato apequiro angel tiquina bato w̄ariquiro ohō saha ni yahuducu dijiori:

—Ijipihtiyequina n̄acu cjūnore ño peoyequinare, tiquiro queoyere ño peoyequinare, tiquina w̄hdoa pacare, tiquina omocarine tiquiro wamene ojoa ohōnohriquina gūh̄are buhiri dahrerota Cohācjū. Tiquina mehna usuaro, tiquina pūritare tutuaro waro buhiri dahreducurota Cohācjū. N̄acu cjūnore ño peoyequina ijipihtiyequina pecap̄a wahaeta. Top̄a tutuaro purīnota tiquinare peca mehna, azufre wame tiye mehna tiquina wijiāri peca mehna. Quehnoañequina angele, Cordero gūh̄a tiquina ihñonop̄a ñano ȳh̄dueta tiquina. ¹¹Ti peca sa ohmeo tiducurota. Ne yatisi. Tiquinare sa purīducugū yere. Ijipihtiyequina n̄acu cjūno poto d̄usepe curi mehna quehe sa, ño peoyequinare sa purīducurota. Decoripe, ñaminipe sa purīducu cāhnota. Tiquiro queoyere ño peoyequina, tiquiro wamene ojoa ohōnohriquina gūh̄a sata ñano ȳh̄dueta, ni yahuducu dijiori angel.

¹²Sa tiquina ñano ȳh̄dugū ihñana Cohācjū yequina tiquiro dutiyere yena, Jesure cohāedarina ijina, tiquiro yere duhueracāhña. Ñano ȳh̄d̄epenata Cohācjū yere cohāedacāhña.

¹³Came ūhm̄sep̄a ȳh̄are yahuducuro ca tagū t̄hou. Ohō saha nidi ȳh̄are:

—Ahr̄ire ojoaya m̄h̄a. Cohācjū yequina tiquirore cohāedarina ijina yojop̄are m̄sa yariari bato gūh̄are bucuena ijire m̄sa, ni yahuducu dijiori ȳh̄are.

Tiquiro sa nidi bato Esp̄iritu Santo pehe ohō saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Ūhm̄sep̄a tiquina wahagū quehnoano tiquina yerire wacūnota Cohācjū. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Esp̄iritu Santo.

Wese cjē oteye d̄ucare mari bese neno saha Cohācjū tiquiro yequinare bese nenota. Ñañequina pehere sijoro bese docorota

¹⁴Came ehmeo curua yehseri curuare ihñau. Ti curua bui mas̄no yero saha bajuriquiro dujiri. Tiquiro uru behto p̄h̄toro pesari behto borore pesari. Sa yero dihi p̄j̄i siori p̄j̄ine c̄ori tiquiro. ¹⁵Came apequiro angel Cohācjū w̄h̄p̄a ijiriquiro wija tari. Sa wija taro tutuaro sañuducuri ehmeo curua bui dujiriquirore:

—M̄h̄a dihi p̄j̄i mehna wese cjē d̄ucare ahri yehpa cjē d̄ucare d̄ate ne pehoya. Yojop̄are tiquiro queori p̄je esare. Yojop̄are d̄uca neni p̄je esare, nidi angel.

¹⁶Tiquiro sa nigū t̄hororo tiquiro dihi p̄j̄i mehna ahri yehpa cjē d̄ucare ne d̄ucari ehmeo curua bui dujiriquiro.

¹⁷Came apequiro angel gūh̄a Cohācjū w̄h̄p̄a ijiriquiro wija tari. Tiquiro gūh̄a dihi p̄j̄i siori p̄j̄ine c̄ori. ¹⁸Sa yero apequiro angel altar cahap̄a ijiriquiro wija tari. Tiquiro pehe altar cjā pecare ihña ihboriquiro ijiri. Sa wija taro dihi p̄j̄i siori p̄j̄ine c̄oriquirore sañuducuri:

—Mũhũ dihi pjĩ mehna ahri yehpapũ ijiri wese, Ƴhse wese cjẽ dũcare neña. Ƴhse pehe ñi tuhasari, ni sañuducuri.

¹⁹Tiquiro sa nigũ tũhoro angel tiquiro ya pjĩ dihi pjĩ mehna ahri yehpa cjẽ Ƴhse tũhorine yũhre nedi. Tiquiro sa yeri bato ti tũhorine Ƴhse tũhorine tiquiro ñatihãtopũ cohãri. Tiquiro sa cohãriro saha Cohãcjũ tiquirore cahmeeñequinare tutuaro usuaro, cohãnota. ²⁰Ti maca dũhtũ cahapũ tiquina ñatihãtopũ ti Ƴhse tũhorine ñatihãri. Topũ tiquina ñatihãgũ dii wijiari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco Ƴhscũari ma ijiri.

Masa tiquina ñano yũhduatire angele cũ bato tiahye masare

15 ¹Came Ƴhmũsepu sijoro saha ijirore ihñaũ. Tire ihñañe masa ihña maria wahaga. Ahri yehpapũre dũhse wahatore marine ihñori. Sa yero ti ihyo waro ijierare. Ohõ saha ihñaũ: Siete angele ijiri. Cohãcjũ usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cũatiquina ijiri.

²Angelere yũhũ ihñari bato pajiri mare quehnoano aco sitiri ma yero saha ijiri mare ihñaũ. Ti ma peca mehna ijiri ma ijiri. Sa yegũ nũcu cjũnore tiquiro queoye gũhũre yũhdũdũcayequinare ihñaũ. Tiquina tiquiro wamene tiquiro ya numerore cũoyequina ijiri. Tiquina yũhũ ihñagũ pajiri ma aco sitiri ma dũhtũ cahapũ ducuri. Topũ ducuyequina arpa wame tiyere bũa putẽñene cũori. Ti bũa putẽñe Cohãcjũ tiquiro ohori ijiri. ³Sa ye Cohãcjũ cahacjũno, Moise ye basayere basaye nidi. Cordero ye basaye gũhũre basaye nidi. Ohõ saha ni basari:

Ƴsã puhto mũhũ Cohãcjũ tutua yũhduagu ijire. Mũhũ yerire ihñana ihña maria wahaja usã. Mũhũ yeri quehnoa yũhduare. Mũhũ ijipihtiye yehpari cjẽna puhto ijire. Quehnoano ni mehono marieno yeducure mũhũ. Ijipihtiyequina mũhũre cueeta. ⁴Ijipihtiyequina mũhũre “Tutuagu ijire”, nieta. Mũhũ dihita ñañe mariegũ ijire. Ijipihtiye yehpari cjẽna mũhũ cahapũ esaye, dũsepe curi mehna quehe sa, mũhũre ño peoeta. Sata yeeta tiquina ijipihtiyequina queoro mũhũ yerire ihñañe, ni basaye nidi tiquina.

⁵Came Ƴhmũsepu ihña mũogũ, Cohãcjũ wũhũ pũori wũhũre ihñaũ. Topũ Cohãcjũ ijiri tucũ waropũ Cohãcjũ dutiye tiquiro ojoari pjĩni Ƴtã pjĩni tiquina ihbori pjĩni ijiri. ⁶Ti wũhũre yũhũ ihñagũta siete angele ti wũhũ puhiaapu ijiriquina wija tari. Tiquina Cohãcjũ buhiri dahre dutiro tiquiro cũatiquina ijiri. Tiquinape tiquina buhiri dahreatire cũori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tũã dihoriquina ijiri. ⁷Ti wũhũpu ijiriquina tiquina wija tagũ pititiaro sijoro saha bajuyequina mehna cjũno tiquinare siete angelere siete uru parire ohori. Ti pari Cohãcjũ usua tiquiro buhiri dahreati mehna quehnoano wahpari ti pari. Tiquiro Cohãcjũ sa ijuducuriquiro ijire. ⁸Tiquiro sa ohogũ Cohãcjũ wũhũ puhiaapu tiquiro asi siteye mehna tiquiro tutuaye mehna ohmeo ti sehũa wahari. Sata ohmeo wũhũ wahagũ ne masa ti wũhũre saja masiedari. Siete angelere Cohãcjũ buhiri

dahre dutiro tiquiro cūriro saha masare tiquina buhiri dahre tuhasari bato pari turi ti wuhupɔ saɟ masine tja. Tiquiro buhiri dahreato pano saɟ masiedari.

Cohācjū masare tiquiro buhiri dahreatore yahuahye

16 ¹Came Cohācjū wuhupɔ tutuaro yahuducuro ca tari. Siete angelere yahuro nidi:

—Siete paripɔ pose tiyere yehpapɔ pio sitedoque dijiona wahaya. Yehpa cǵnare Cohācjū tiquiro nidiro sahata buhiri dahreya yojopɔre, ni yahuducuro ca tari.

²Tiquiro sa nigū tūhoro iji mūhtariquiro angel tiquiro cūori papɔ pose tiyere yehpapɔ pio sitedoque dijiori. Tiquiro sa pio sitedoque dijioǵū nɔcɔ cǵūno wamene ojoa ohōnohriquina, tiquiro queoyere ño peoriquina ñano camí tiri. Ti camí tutuaro purídi tiquinare.

³Tiquiro sa pio siteri bato apequiro angel tja tiquiro cūori papɔ pose tiyere pio sitedoque dijiori tja pajiri mapɔ. Tiquiro sa pio sitedoque dijioǵūta ti ma dii ma wahari. Yariariquiro dii yero saha ijiri ti dii. Sa wahagū ti ma puhíapɔ ijiyequina yaria phtia wahari.

⁴Puaro tiquina sa pio siteri bato apequiro angel tja tiquiro cūori papɔ pose tiyere pio sitedoque dijiori tja máripɔ, ti mári pohteripɔ gūhure. Tiquiro sa pio sitedoque dijioǵū mári dii mári dihita wahari. ⁵Sa wahagū ihñano apequiro angel márine cohteriquiro ohō saha nidi:

Cohācjū mūhɔ ñañe marieǵu ijire. Yojopɔ gūhure sa ijiducugɔ ijire mūhɔ.

Panopɔ gūhure sa ijiducue tiri mūhɔ. Sa yegɔ masa tiquina ñano yegū ihñagɔ queoro buhiri dahreri mūhɔ tiquinare. Dii márine yegɔ quehnoano yeri mūhɔ. ⁶Nɔcɔ cǵūno yequina pehe mūhɔ yequinare wejēne, dii cohāǵū yeri. Mūhɔ yere yahuyequina gūhure wejēne, dii cohāǵū yeri. Tiquina sa wejēdi buhiri mári dii mári wahari. Sa ye tiquinare diire mūhɔ sa sihnigū yegū quehnoaríne. Sata mūhɔ buhiri dahregū tiquina ye buhiri ijire, nidi márine cohteriquiro angel.

⁷Tiquiro sa nidi bato altarpɔ yahuducuro ca tari:

—Sa tjire. Cohācjū asā pūhto tutua yūhdɔagɔ ijire mūhɔ. Ni mehono marieno, queoro masare bese, buhiri dahrere mūhɔ, ni yahuducuro ca tari.

⁸Ihtiaro angele tiquina pio siteri bato apequiro angel tiquiro cūori papɔ pose tiyere pio sitedoque dijiori tja asū deco cǵūno bui. Tiquiro sa pio sitedoque dijioǵūta asūre masare tutuaro asigū yeri Cohācjū. ⁹Sa yero asū deco cǵūno masare tutuaro asiri. Sa ye Cohācjū tiquinare tiquiro buhiri dahre dutigū masiñe, tiquirore ñano yahuducuri masa. Sa ñano yūhdɔepeta tiquina ñañe yerire ne bujua witierari. Sa ye duhuerari. Cohācjūre “Tutuagɔ ijire”, ni ño peo duerari.

¹⁰Pititiaro angele tiquina pio siteri bato apequiro angel tja tiquiro cūori papɔ pose tiyere pio sitedoque dijiori tja nɔcɔ cǵūno tiquiro dujiro bui. Pūhtoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpapɔ nahitiaa wahari. Sa ye tiquiro yequina masa ñano puríǵū bahque dihori. ¹¹Tiquinare ñano puríepǵūta ñano camí tiepeta, ne tiquina

ñañe yerire bujua witiari. Sa ye tire duhuerari. Sa ye Cohãcjũ tiquinare tiquiuro camí dahregũ masiñe tiquiore uhmãse cjãnore ñano yahuducuri.

¹²Ihcã omopequina angele tiquina pio siteri bato apequiuro angel tja tiquiuro cœori papũ pose tiyere pio sitedoque dijiori tja Eufrates wame tiri ma pajiri mapũ. Tiquiuro sa pio sitedoque dijioğũta ti ma sihbi quehea wahari. Asũ mija taro cjẽna pũhto yequina masa mehna ti mare tiquina pehã tatore sa yeri.

¹³Came ihtiaro watĩare taharocua yero saha bajuyequinare ihñaũ. Ihcãquiuro pinono puhiapũ ijiriquiuro tiquiuro dũseropũ wijia tari. Apequiuro watĩno nũcu cjãno dũseropũ wijia tari. Apequiuro watĩno “Cohãcjũ yere yahu mũhtagũ ijiaja”, ni mehoriquiuro dũseropũ wijia tari. ¹⁴Sa ye tiquina ihtiaro watĩa tutuaye mehna yeyequina ijiri. Ijipiltiro cjẽna pũhtoare cahmecoagũ yeri tiquina cahme wejẽ dutiye tehe. Tiquina sa cahme wejẽati deco Cohãcjũ tutua yũhdũariquiuro ijipihtiyequinare tiquiuro dutiati deco, pihtiati deco ijire.

¹⁵Ohõ saha nidi Jesu: “Ihñaña mũa. Yaqueriquiuro wacũeno mehna tiquiuro yaquero ahtaro saha yũhu gũhu wacũeno mehna ahtaũtja. Yũhu ahtatore quehnoano cohteriquiuro bucueriquiuro ijirota. Tiquiuro ye suhtire quehnoano quehnoyuriquiuro yero saha yeere quehnoano yeriquiuro ijire bucueriquiuro. Sa yeriquiuro ijiro yũhu ahtagũ suhti marieniquiuro tiquiuro bæe tiboriro saha bæe tisi tiquiuro”, nidi Jesu.

¹⁶Came ihtiaro watĩa yehpari cjẽna pũhtoare cahmecoagũ yeri tiquinare. Tiquina cahmecoano Hebreo ye mehna “Armagedon”, wame tiri.

¹⁷Seis angele tiquina pio siteri bato apequiuro angel tja tiquiuro cœori papũ pose tiyere ehmeo cururi cahapũ pio sitedoque dijiori tja. Tiquiuro sa pio sitedoque dijiori bato pũhtoro dujiropũ Cohãcjũ wũhũpũ tiquiuro dujiropũ tutuaro yahuducuro ca tari:

—To punota ijiağa, nino ca tari.

¹⁸Tiquiuro sa nigũta mia sitedoqueo, upo pa maa, sijoro saha ijiro bisi maa, cuaro yehpa ñuhmidi. Ahri yehpapũ masa tiquina iji dũcari bato ne sa ñano yehpa ñuhmieda tiri. Apeye ñuhmiñe yũhdũoro cuaro yehpa ñuhmidi. ¹⁹Sa ñuhmigũ pajiri macare ihtia maha yihti maa wahari. Sa ye bujũye macari ahri yehpapũ ijije macari sehte dijiaa wahari. Sa yero Babilonia wame tiri maca pajiri maca cjẽnare wacũri Cohãcjũ tiquinare buhiri dahrero taro. Tiquina ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. ²⁰Tiquiuro sa yegũ ijipihtiyे nũcũpo, cũnũ cjũ gũhu cohõ pihtia wahari. Sa ye ne mariedare. ²¹Sa ye bujũye paca aco paca yũsuaye paca yehpapũ masa bui bora dijia tari. Ijipihtiyе paca aco paca cuarenta kilo nũcuñe paca ijiri. Tiquina bui ti paca sa bora dijia tagũ Cohãcjũ masare tiquiuro tutuaro buhiri dahregũ masiñe ñano yahuducuri masa Cohãcjũre.

**Umua mehna ñano yeducuricorore ña yuhduaro
yericorore buhiri dahre dutirota**

17 ¹Came siete pari cwoyequina angele mehna cjño yuhu cahapũ wihiro ohõ saha nidi yuhure:

—Ihñagu ahtaya. Peye mári bui dujiricorore umua mehna ñano yeducuricorore ña yuhduaro yericorore Cohãcjũ tiquiro buhiri dahreatire ihñagu ahtaya mũhu.

²Ahri yehpa cjëna pũhtoa ticoro mehna tiquina ñano yeboro saha ticoro yero saha yeri. Cohãcjũ ye pehere cahmedari. Ahri yehpa cjënare ticoro quehegũ yeboro saha tiquina mehna ticoro ñano yeboro saha ticoro masare ñañene tutuaro cahmegũ yeri. Sa yero ñañene yegũ yeri masare, ni yahuri angel yuhure.

³Tiquiro sa nidi bato Espíritu Santo pehe yuhure ihñori: Angel pehe masa marienopũ neari yuhure. Topũ numinore ihñaũ. Ticoro nũcũ cjño sohãriquiuro bui pesaricoro ijiri. Nũcũ cjño pehe tiquiro pagupũ peye wame tiquina oja ohõnohricuero ijiri. Ti wame ñañene wame Cohãcjũ tiquiro ihña yabiye wame ijiri. Sa yero siete dapu paca tiriquiuro, diez sahari tiriquiuro ijiri nũcũ cjño. ⁴Sa yero numino pehe quehnoano yahsaye suhti pũhtoa tiquina sañañe suhti saha ijiyere sañaricoro ijiri. Sohãñe suhti gũhure sañaricoro ijiri. Peye urure, wapa tiye utãre, perla pjeri gũhure ohõri suhtire sañaricoro ijiri ticoro. Sa yero uru pare cwori ticoro. Ti papũ pose tiye ñañe ticoro yeri jiri. Umua mehna ñano yero, pajiro ñano yeri ticoro. Ti ñañene ihña yabire Cohãcjũ. ⁵Ticoro wũhdoapũ ticoro wame tiquina oja ohõnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihitiye wũana tiye dahpoto cjõno, ña yuhduayere yericoro ijire”, ni, ticoro wũhdoapũ tiquina oja ohõnohricoro ijiri. ⁶Sa yero ticoro peyequina Cohãcjũ yequinare wejedicoro ticoro ijigũ masii. Queheyere ticoro bucuero saha tiquinare wejëno, tiquina dii cohãgũ bucuero ticoro. Jesure tiquina cohãedari buhiri ticoro wejëdi tiquinare. Ticorore ihñagu, ihña maria wahaũ.

⁷—¿Duhsegũ mũhu ihña maria wahajari? nidi angel yuhure.

Sa nino yuhure ohõ saha ni nemori:

—Mũhu masiedarire mũhure yahutja. Numinore mũhure yahutja. Ticoro pesariquiuro gũhure yahutja. Tiquiro nũcũ cjño ijiri. Sa yero siete dapu paca tiriquiuro, diez sahari tiriquiuro ijiri. ⁸Tiquiro panopũ ijiriquiro ijiri. Yojopũre mariedare tiquiro. Came tiquiro uhcũãri copepũ ijiriquiro wijia tarota. Tiquiro sa wijia tari bato pecapũ waharota. Ahri yehpa cjëna tiquirore ihña maria, ño peori tiquirore. Ahri yehpa ijiato pano Cohãcjũ tiquiro yequina ijiatiquinare sa ijiducuatiquinare tiquina wamene oja ohõahye. Tiquiro oja ohõnohedariquina ijiri nũcũ cjñore ño peoyequina. Tiquiro pehe panopũ ijiri. Yojopũ pehere mariedare. Camepũ pari turi bajarota. Sa ye tiquiro bajuagũ ihñañe masa tiquirore ihña maria wahaeta.

⁹Yojopũre yuhu yahuatire masi duana, quehnoano tũhonata mũsa. Sa yena tũho masina ijia. Nũcũ cjño dapu paca siete dapu paca siete cũnũ cjũ ijire,

mari queoye mehna buhegũ. Ti cãnu cju buipũ pesare ticoro umua mehna ñano yeducuricoro. ¹⁰Ti dapu paca siete puhto a yero saha ijire, mari queoye mehna buhegũ. Peyequina masa puhto a ijire. Ihcã omopequina puhtoare cohã tuhasari. Apequiro tiquina bato ijiriquiro puhtoro ijire yojopũre. Apequiro pehe came puhtoro sajãnota. Sa sajãno mehenogã puhtoro ijirota tiquiro. ¹¹Sa yero nũcu cjũno sohãriquiro panopũ iji muhtariquiro, yojopũre marieniquiro tiquina siete puhto a bato puhtoro ijirota. Siete puhto a mehna cjũno ijire. Came pecapũ waharota.

¹²Nũcu cjũno sahari diez sahari diez puhto a yero saha ijire, mari queoye mehna buhegũ. Peyequina masa puhto a ijire. Tiquina puhto a sajãedare yojopũ. Camepũ puhto a sajãne mehenogã puhto a ijieta. Yoari pje iji dutisi tiquinare. Sa puhto a ijiye nũcu cjũno mehna puhto a ijieta. ¹³Tiquina diez puhto a ihcãno saha tuhotuyequina ijire. Sa ijiye tiquina nũcu cjũnore tiquina ye yehpari cjẽna puhtoro sõeta. ¹⁴Sa ye Cordero mehna cahme wejẽeta. Tiquina sa cahme wejẽpegũta Cordero tiquiro beseriquina mehna tiquirore ne cohãẽnequina mehna tiquinare yuhduũcaeta. Tiquiro ijipihtiyequina apequina puhto a bui puhtoro ijire. Sa yero tiquinare yuhduũcarota, nidi angel yuhũre.

¹⁵Ahrire yuhũre yahu nemori angel:

—Umua mehna ñano yeducuricoro mări bui dujiri. Ti mări ahri yero saha ijire mari queoye mehna buhegũ: Ijipihtiye yehpari cjẽna, peye cururi cjẽna, peye yahuducuyere yahuducuyequina yero saha ijire ti mări. ¹⁶Nũcu cjũno, diez puhto a gũhu umua mehna ñano yeducuricorore ihña yabieta. Tiquina diez puhto a nũcu cjũno mehna ticoro yere ehma peho, suhti mariedicoro cohãeta ticorore. Sa ye ticoro pagũre ihyaeta. Tiquina sa yeri bato ticorore ujãa pehoeta. ¹⁷Tiquina diez puhto a ihcãno saha tuhotuye, nũcu cjũnore tiquina ye yehpari cjẽna puhtoro sõeta. Tiquinare sa yegũ yeri Cohãcjũ, tiquiro cahmeno saha yero taro. Sa yero nũcu cjũno pehe puhtoro ijirota. Ijipihtiye Cohãcjũ panopũ tiquiro yahuriro sahata tiquiro yeri bato nũcu cjũnore cohãnota. ¹⁸Ticoro muhu ihñaricoro mehna ohõ saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina puhto a bui ijire ti maca cjẽna, nidi angel yuhũre.

Babilonia wame tiri maca tiquiro cohãri maca ijire

18 ¹Came apequiro angel uhmũsepũ dijia tariquirore ihñaũ. Tiquiro puhtoro waro ijiri. Sa yero tiquiro asi siteye ijipihtiropũ quehnoano buhrio sehsaa wahari. ²Tiquiro sa dijiari bato tutuaro saũducu yahuri:

—Cohãri jiri. Babilonia wame tiri maca pajiri maca cjẽnare cohãri jiri. Yojopũre watã, peyequina ñãnequina pagũ bajueyequina gũhu ti macapũ ijiye nine. Ñãnequina boro minicjua pari gũhu ti macapũ ijiye nine. Tiquina minicjua masa tiquina ihña yabiyequina ijiri. ³Ijipihtiye yehpari cjẽna ti maca cjẽnare ñãnequinare ihña cũne, tiquina gũhu ñano yeri. Sa ye ahri yehpari cjẽna puhto a ti maca cjẽna numia mehna ñano yeri. Ticoro sa umua

mehna ñano yeducuricoro ijiro wapa tiyere dúe tiri. Pajiro ticoro sa dúgũ ahri yehpa cjëna doeri cjë duayequina pajiro wapatarí, ni yahuri angel.

⁴Came pari turi ùhmùsepũ yahuducuro ca tari. Ohõ saha nidi:

—Yeequina, ahricoro ùmũa mehna ñano yeducuricoro mehna ijieracãhña mũsa. Ticoro mehna mũsa ijigũ mũsa gũhũre buhiri dahrerota. Sa yena ticoro ñano yeyere ihña cũedacãhña. ⁵Ticoro ñano yeri peye ijire. Ticoro ñano yerire pari tju mari duhu peo mũogũ ti tju pehe ùhmùsepũ wahã sa cãboaga. Sa ye ticoro ñano yeri peye ijire. Sa yero ticoro ñano yerire wacũire Cohãcjũ. Sa wacũno ticorore buhiri dahre dutirota. ⁶Ticoro tutuaro tiquiro buhiri dahrenohaticoro ijiahero. Masare ticoro ñano yegũ yeriro saha ticoro gũhũre ñano yũhdũgũ yeahro. Masare ticoro sa ñano wahagũ yeriro saha ti yũhdũoro ticorore ñano buhiri dahreahro. ⁷Ticoro “Quehnoago ijiaja”, ni tũhotumedi. Sa ni tũhoturo, wapa bujũyere pajiro cũori ticoro. Ti wapa bujũyere pajiro ticoro cũoro punota ticorore pajiro ñano yũhdũgũ yeahro. To punota ticorore bujũa witi gũ yeahro. Ticoro basi ohõ saha ni tũhotumene. “Ohõpũ dutigo dujiaja. Wape wiho ijieraja. Sa yego ne ñano yũhdũsi yũhũ”, ni tũhotumene ticoro. ⁸Sa ni tũhoturicoro ijigũ wacũeno mehna ticorore buhiri dahrerota. Ticoro dohati, yariariquinare yahco uti, ùjũa ahbarota. Sa yero ticorore ùjũa borota. Mũsa pũhtoro Cohãcjũ ticorore buhiri dahre dutiriquiro tutua yũhdũariquiro ijire. Sa yero sa yũhũ nidiro saha ticorore buhiri dahre dutirota, nino ca tari ùhmùsepũ.

⁹Sa ye ticoro yero saha ijiri macare Cohãcjũ tiquiro buhiri dahreri bato ahri yehpa cjëna pũhtoa tutuaro bujũa witi, utieta. Ti maca cjëna mehna ñano yeyequina ijiri. Ti maca ùjũgũ ihñañe utieta tiquina. ¹⁰Sa ùjũgũ ihñañe tiquina pũhtoa yoaropũ ihñadoqueoducuetã, “Ùsã gũhũre buhiri dahreari”, niñe. Topũ ihñadoqueoducuye ohõ saha nieta:

—Yohou, pejecũori maca ijire, Babilonia. Si maca pajiri maca tutuari maca ijimedi. Wacũeno mehna si macare buhiri dahreri, nieta tiquina.

¹¹Ijipihitiro cjëna doeri cjë duayequina ti macare ihñañe tutuaro bujũa witi utieta. Ti maca pihitigũ ihñañe, tiquina ye doeri cjëne dúyequina mariedagũ ihñañe bujũa witieta tiquina. Sa ye utieta. ¹²Tiquina ne cãhtarire urure, platãre, wapa bujũye utãre, perla wame tiye paca gũhũre dúyequina marisi. Sa ye apeye tiquina ne cãhtarire suhti quehnoañe suhtire, yahsaye suhti pũhtoa tiquina sañañe suhti saha ijiye suhtire, seda wame tiye suhtire, sohãñe suhtire dúyequina marisi. Sa ye apeye tiquina ne cãhtarire yucũri ehme sitiye yucũriri dúyequina marisi. Sa ye apeye tiquina ne cãhtarire marfil wame tiye mehna tiquina yerire, wapa bujũye cju mehna tiquina yerire, bronce wame tiye come mehna tiquina yerire, come butiye mehna tiquina yerire, marmol wame tiye mehna tiquina yerire dúyequina ne marisi. ¹³Sa ye apeye tiquina ne cãhtarire canela wame tiyere tiquina ihyayere ocagũ yeyere, apeye tiquina ihyayere ocagũ yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cãhtarire vinore, ùhse ihyaye moreñene, trigore, trigo pjerire, wecũare, corderoare, caballoare, tunuñe cohrori caballoa tiquina wejeye cohrorire

dúyequina marisi. Cahacjēnare dú tiquinare cwoyequina gūhū marisi. Masa tiquina ijiepegūta tiquinare dúyequina ijimedi. Yojobure marisi. Sa ye bájua witieta doeri cjēne duayequina. ¹⁴Sa ye ohō saha nieta tiquina ti maca cjēna ijiriquinare:

—Adei, ñabutiario wahayari. Ijipihtiye mūsa cahīmedi pihtia wahari. Sa ye ijipihtiye quehnoañe mūsa cūomedi pihtia wahari. Sa yena tire pari turi bocasi mūsa, nieta doeri cjēne duayequina.

¹⁵Tiquina ti macare doeri cjēne duaye, pajiro wapatamedi. Sa ye tiquina ti macare yoaropū ihñadoqueoducueta, “Ūsā gūhūre buhiri dahreari”, niñe. Sa ihñadoqueoducuye ti macare tutuaro bájua witi utieta. ¹⁶Ohō saha nieta ti macare:

—Adei, pejecwoyequina ijire si maca pajiri maca quehnoari maca cjēna mūna. Si maca numino yero saha quehnoañene cūori. Numino pehe quehnoañe suhtire, yahsaye suhti pūhtoa tiquina sañañe saha ijiye suhtire, sohāñe suhti gūhūre sañari. Sa yero uru, wapa bájuyē utā, perla wame tiye paca ohōri suhtire sañari. Sa yeri si maca cjēna. ¹⁷Sa ye wacūeno mehna si maca buti pihtia wahari, nieta ti macare.

Sa ye ijipihtiyequina yucūsari mehna tiniñequina, ti yucūsari opana, tiquina mūna, apequina pajiri mapū dahra wapatayequina gūhū ti macare yoaropū ihñadoqueoducueta. ¹⁸Topū ihñadoqueoducuye ti macare to ūjūgū ihñañe ohō saha ni sañuducueta:

—Quehnoañe macari si maca yero saha ijiye macari ne apeye macari mariedare, ni sañuducueta tiquina.

¹⁹Sa bájua witiyequina ijiye tiquina dapu paca bui dihtare orē peoeta. Sa ye tutuaro yahco utiye ohō saha nieta:

—Adei, pejecwoyequina ijire si maca cjēna mūna. Quehnoari maca ijimedi. Ijipihtina yucūsarire cūona pajiri mapū tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucūsari cjēna.

²⁰Ti macare tiquiro cohāgū ihñana bucueya mūsa ūhmūse cjāna. Cohācjū yequina, Jesu tiquiro cūrina, tiquiro yere yahu mūhtarina ijipihtina mūsa bucueya. Ti maca cjēna mūsare ñano yūhdūgū yeri. Tiquina sa yeri buhiri buhiri dahreri Cohācjū. Sa yena bucueya mūsa.

²¹Sa yero tutuariquiro angel pajiria utāre ne wahcō, pajiri mapū doque ñori. Sa doque ñono ohō saha nidi:

—Ahria utā bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa. ²²Ti macare butia wahagū yerota. Sa ye ti macapū basayere mūsa basaducuriro saha ne acaro tisi. Arpa wame tiyere mūsa bna pūteducuriro saha, flauta wame tiye pacare, corneta gūhūre mūsa putiducuriro saha pari turi ti macapū acaro tisi. Sa ye ti maca mariedagū pari turi ti macapū dahrayequina dahrasi. Sa ye utā mehna trigore mūsa ña mutoñe gūhūre tūhonohsi. ²³Ne ti maca buhrio cuñariro saha ne ijisi. Sa ye omoca dūhtena mūsa bucue yahuducuriro saha pari turi ne acaro tisi. Ti maca cjāna mūsa doeri cjēne duana, dúna gūhū apequina yūhdūoro cūomedi mūsa. Sa yena yayia masare

ujuayequina yero saha yena ijipihtiro cjēnare mehori mūsa. Mūsa sa yerire ihña mariañe, Cohācjū pehere cahmedari masa, nidi tutuariquiro angel.

²⁴Ti maca cjēna Cohācjū yere yahu mūhtariquinare apequina tiquiro yequina gūhure ijipihtiro cjēnare wejēdi jiri. Tiquina sa wejēdi buhiri buhiri dahreri Cohācjū Babilonia cjēnare.

19 ¹Babilonia dūhse wahatire yūhū ihñari bato ūhmūsepū peyequina masa sañuducue ca tari yūhū tūhogū. Ohō saha ni sañuducuri:

Aleluya. Cohācjūre quehnoano yahuducuuhna. Cohācjū marine yūhduariquiro ijire. Tiquirore quehnoano ño peouhna. Tutua yūhduariquiro ijire tiquiro. ²Mehono marieno queoro masare buhiri dahrere tiquiro. Ñañe buhiri marieñequinare tiquinare buhiri dahrerare. Ñaricorore ūmūa mehna ñano yeducuricorore ihña cūñe ijipihtiro cjēna, ahri yehpa cjēna ñano yeri. Ticoro pehere buhiri dahreri Cohācjū. Sa yero tiquiro cahacjēnare ticoro wejēdi buhirire buhiri dahreri tiquiro, ni sañuducue ca tari.

³Pari turi sañuducue ca tari tja:

Aleluya. Cohācjūre quehnoano yahuducuuhna. Ti maca ñari maca tiquiro ūjūari maca sa ohmeo tiducurota, ni sañuducue ca tari.

⁴Sa yeye veinticuatro Jesu yequina pūhtoa, pititiaro sijoro saha bajuyequina mehna dūsepe curi mehna quehe sa, mari Pacure tiquiro dujiropū dujiriquire ño peori. Ohō saha ni ño peori tiquina: “Aleluya. Sata yeihna. Mari Pacure quehnoano yahuducuuhna,” nidi tiquina. ⁵Came pūhtoro dujiropū ohō saha nino ca tari:

Mari pūhtoro Cohācjūre ño peoya. Tiquiro cahacjāna, tiquirore ño peona, ihyo ijina, pūhtoa gūhū ijipihina mūsa tiquirore quehnoano yahuducuya, nino ca tari.

Cordero tiquiro omoca dūhteati deco bose decore yahuahye Ñu

⁶Came peyequina masa tiquina yahuducugū tūhou. Sa ye pajiri peo, ūpo mehna tutuaro bisiro saha yahuducue ca tari yūhū tūhogū:

Aleluya. Cohācjūre quehnoano yahuducuuhna. Tiquiro mari pūhtoro pehe pūhtoro sajā tuhasari. Tutua yūhduariquiro ijire tiquiro.

⁷⁻⁸Cordero tiquiro omoca dūhteati pje ijire yojorpūre. Tiquiro omoca dūhteaticoro quehnoano tiquina quehno tuhasaricoropū ijire. Ticorore quehnoari suhtiro wete marieni suhtirore ohori. Ti suhtiro Cohācjū yequina quehnoañene tiquina yeri yero saha ijire, mari queoye mehna buhegū. Sa yena ti omoca dūhteati pje ijigū bucuieihna mari. Cohācjūre “Tutua yūhduariquiro ijire”, niuhna, ni yahuducue ca tari.

⁹Tiquina sa nidi bato angel ohō saha nidi yūhūre:

—Ahrire ojoa neña: “Cordero tiquiro omoca dūhteri deco bose decore tiquiro pijioriquina bucuyequina ijire”, ni ojoa neña, nidi angel yūhūre. Sa ninota ohō saha ni nemori:

—Ijirota ijire ahri yūhū yahuri. Cohācjū ye yahuducuye ijire, ni nemori yūhūre.

¹⁰Tiquiro sa nigũ tuhoguta tiquiro caha dusepe curi mehna quehe sa, tiquirore ño peou tũu nimi. Yũhu sa yegũ waro ohõ saha nidi tiquiro yũhure: —Tire yeracãhña. Mũhu yero saha yũhu gũhu Cohãcjũ cahacjũta ijiaja. Mũhu acaye Jesu yequina ijipihyequina tiquiro ye buheyere duhweyequina yero saha yũhu gũhu Cohãcjũ cahacjũta ijiaja. Sa yegũ Cohãcjũ pehere dusepe curi mehna quehe sa, tiquirore ño peoya, nidi angel yũhure. Cohãcjũ yere yahu mũhtariquina muna panopũ cjẽna Espĩritu Santo yedohoro mehna ti buheyere Jesu ye buheyere yahuyuahye.

Caballo yehseriquiro bui pesariquirore yahuahye Ñu

¹¹Came uhmũse parĩ maa wahagũ ihñaũ. Topũ caballo yehseriquiro ijiri. Tiquiro bui pesariquiro ohõ saha wame tiri: Tiquiro nidiro sahata yeriquiro potu yeriquiro wame tiri tiquiro. Queoro masare dutiriquiro ijiro, tiquirore ihña tuhtiequina mehna cahme wejẽne. ¹²Tiquiro caperi peca pohna yero saha ijiri. Sa yero tiquiro dapupũ peye pũhtoa pesaye behtori ijiri. Sa yero tiquiro pagupũ wame ojoa ohõnohriquiro ijiri. Ti wamene tiquiro dihita masidi. Apequina masedari. ¹³Tiquiro sañari suhtiro yoari suhtiro dii wahñari suhtiro ijiri. Tiquiro ohõ saha wame tiri: Cohãcjũ ye yahuducuyere yahuriquiro wame tiri tiquiro. ¹⁴Sa ye tiquiro yequina surara uhmũse cjẽna tiquirore nũnũ tãri. Yehseyequina caballo bui pesayequina quehnoañe yehseye suhtire, wete marieñe suhtire sañariquina ijiri. ¹⁵Tiquiro dũseropũ ñoseni pĩne siori pĩne cuhñuri. Ti pĩ ijipihye yehpari cjẽnare tiquiro yũhdũdũcati pĩ ijiri. Sa yero tiquiro tutuaye mehna tiquiro dutigũ ne ihcãquiro tiquirore yũhdũdũcaro cũsi. Cohãcjũ ijipihye yehpari cjẽna mehna usuare. Tiquiro sa usuagũ caballo bui pesariquiro tiquinare tutuaro buhiri dahrerota. ¹⁶Tiquiro suhtiropũ, tiquiro ñecu gũhure ahri wamene ojoa ohõri jiri: “Ijipihyequina apequina pũhtoa bui pũhtoro”, ni ojoa ohõri jiri. ¹⁷Came asũ asiropũ ducuriquirore angelre ihñaũ. Ijipihyequina uhmũsepũ wũyequina yuca parire sañuducu mũori tiquiro. Ohõ saha ni tutuaro sañuducu mũori:

—Cahmecoana ahtaya. Cohãcjũ tiquiro bese decopũ ihyana ahtaya. ¹⁸Peye yehpari cjẽna pũhtoare, surara pũhtoare, surara parire, caballoare, tiquina bui pesayequinare, ijipihyequina apequina masare, cahacjẽnare, cahacjẽna ijieyequinare, apequina pũhtoare, ihyo ijieyequinare tiquina ijipihyequina tiquina paguri ijirire ihyana ahtaya, nidi angel yucaare.

¹⁹Came nũcũ cjũnore, ahri yehpa cjẽna pũhtoa tiquina yequina surara pari gũhure ihñaũ. Caballo bui pesariquiro mehna tiquiro yequina surara pari mehna cahme wejẽne tehe cahmecoari tiquina. ²⁰Tiquina sa cahme wejẽgũ caballo bui pesariquiro nũcũ cjũnore peresu yeri. Apequiro “Cohãcjũ yere yahu mũhtagũ ijiaja”, ni mehoriquiro gũhure peresu yeri. Tiquiro ni mehoriquiro pehe nũcũ cjũno tiquiro ihñonopũ tutuaye mehna ye ihñoriquiro ijiri. Tiquiro sa ye ihñori mehna nũcũ cjũno wamene wahñañequinare tiquiro queoyere ño peoyequinare ni mehori “Ahri Cohãcjũ ye ijire”, nino. Tiquina

p̄arore tiqiro peresu yeri bato tiquinare catiyequinareta pecap̄ cohāri. Ti peca pajiri ma yero saha pajiri peca azufre mehna ʋj̄ri peca ijiri. ²¹ Sa yero d̄hsariquinare tiquina yequina surara parire ñoseni p̄j̄ mehna tiqiro d̄serop̄ ijiri p̄j̄ mehna wej̄di caballo bui pesariqiro pehe. Sa tiqiro wej̄di bato yuca pari tiquina paguri ijirire ihyaye, yapi yuhd̄a wahari.

Mil c̄hmari waro Cristo tiqiro yequina mehna masare dutirota

20 ¹ Came apeqiro angel ʋhm̄sep̄ tiqiro dijia tagū ih̄na. ʋhc̄āri cope c̄j̄ sawire, pajiri da, come da ḡh̄re c̄ori tiqiro. ² Sa dijia wihiro pinonore ñehedi tiqiro. Tiqiro pinono panop̄ pinono saha pagu tiriqiro ijiro, wat̄no Satana wame tiriqiro ijiri. Tiquirore ñeheno tiquirore d̄h̄teri mil c̄hmari waro peresu yero taro. ³ Sa d̄hte tuhasa, ʋhc̄āri copep̄ cohāri tiquirore ahri yehpari c̄j̄nare mil c̄hmari waro tiqiro “Mehoari”, nino. Sa cohā tuhasaro ti copere biha, piha ñehe c̄ari. Sa yero mil c̄hmari bato pari turi meheñe decorigā tiquirore wior̄nota.

⁴ Came p̄h̄toa dujiyere ih̄na. Ti dujiyep̄ dujiyequina ḡh̄re ih̄na. Tiquinare masare tiquina beseatore ñañene yeyequinare tiquina buhiri dahreatore c̄uri Cristo. Apequina ḡh̄re ih̄na. Tiquina pehe Jesu yere Coh̄c̄j̄ yere tiquina yahuri buhiri tiquina dapu pacare d̄te coh̄nohriquina ijiri. N̄c̄u c̄j̄nare tiqiro queoye ḡh̄re d̄sepe curi mehna quehe sa ño peerari. Sa ye tiquina wuhdoa pacare tiquina omocari ḡh̄re tiqiro wamene ojoa oh̄ dutierari tiquina. Sa ye apequina tiquinare wej̄di bato masaa wahari t̄ja. Masari tiquina mil c̄hmari waro Cristo mehna p̄h̄toa ij̄ye tehe. ⁵ Apequina Cristo yequina yariariquina m̄na masaedar̄di. Tiquina wej̄diquina tiquina masari bato mil c̄hmari p̄h̄toa tiquina ijiri bato apequina ḡh̄ masaa wahaeta. Sa ye tiquina wej̄diquina m̄na Cristo yequina tiqiro bato masa m̄htañequina ijiri. ⁶ Tiquiro maso m̄htariquina pehe tutuaro bucyequina ij̄eta. Ñañe marieñequina ij̄eta tiquina. Sa ye pecap̄ wahasi tiquina. Masa pecap̄ wahaye, pari turi tiquina yariaro saha wahare. Sa ye tiquina pecap̄ wahaerare. Masa m̄htariquina Coh̄c̄j̄, Cristo yequina pahia ij̄eta tiquina. Sa ye mil c̄hmari waro Cristo mehna masa p̄h̄toa ij̄eta.

⁷ Mil c̄hmari bato Satanare peresup̄ ijiriquirore wiorota. ⁸ Tiquirore sa wiori bato ahri yehpa c̄j̄nare mehono waharota tiqiro. Gog wame tiyequinare, Mago wame tiyequina ḡh̄re mehono waharota. Sa ye tiquina tiqiro mehoñene t̄hoye, tiquina yequina surara parire cahmecoeta cahme wej̄ñe tehe. Surara pari peyequina ij̄eta. Pajiri ma c̄j̄ pad̄ p̄jeri peye ti ijiro saha peyequina surara ij̄eta.

⁹ Sa ye ahri yehpap̄re waha siteye, Coh̄c̄j̄ yequina tiquina ijiri macare Coh̄c̄j̄ tiqiro cah̄di macare majare beh̄toa cahmotaeta. Tiquina sa cahmotari bato Coh̄c̄j̄ tiquinare ʋhm̄se c̄j̄ peca mehna ʋj̄adoque dijiorota. ¹⁰ Sa wahari bato wat̄nare tiquinare mehoriqirore pecap̄ coh̄nota. Ti peca pajiri ma yero saha ijiri peca azufre mehna ʋj̄ri peca ijiri. Top̄ n̄c̄u c̄j̄nare,

“Cohācjū yere yahu mūhtagu ijijaja”, ni mehoriquiro gūhure cohā tuhasari. Topu tiquina ijigū deco, ñamipū gūhure sa ñano purīducurota tiquinare.

Cohācjū masare buhiri dahre bato tire

¹¹Came pajiro dujirore quehnoano yehserore pūhtoro dujirore ihñau. Ti dujiro bui dujiriquiro gūhure ihñau. Ahri yehpa cjēna gūhū ūhmūse cjēna gūhū tiquiore cueye, duhti oma cāa wahari. Sa duhtiepeta tiquiore duhtiye cūedari. ¹²Sa yegu pūhtoro poto yariariquina mūna tiquina ducugū ihñau. Tiquina ihyo ijiyequina, pūhtoā ijiriquina gūhū ijiri. Topu tiquina ducugū ojoa ohōñe tjurire pōori. Ti tjuri masa tiquina yerire tiquina ojoa ohōñe tjuri ijiri. Sa yero beseriquiro ti tjurire ihñā tuhasa tiquina yerire masidi. Tire masino yariariquinare beseri ñañequina, quehnoañequina gūhure. Came ape tju gūhure pōori. Ti tju Cohācjū mehna sa ijuducuatiquinare tiquina wamene ojoa ohōri tju ijiri. ¹³Came pajiri mapu, diapū gūhure yaria dijiariquina wahcā mūjaa wahari. Sa ye yehpa puhiapū ijiyequina, yariariquina tiquina ijiropū ijiyequina gūhū mūjaa wahari. Tiquina sa mūja sagū topu dujiriquiro tiquina yerire masi pehorō, tiquinare beseri ñañequina, quehnoañequina gūhure. ¹⁴Came yariarore, yariariquina tiquina ijiro gūhure cohā cāhri Cohācjū pari turi mari yariatore. Pecapū cohā cāhri. Ti peca pajiri ma yero saha ijiri peca pajiri peca ijiri. Pecapū wahayequina pehe pari turi yariaro saha wahare. ¹⁵Sa yero sa ijuducuatiquina tiquina wamene Cohācjū tiquiō ojoa ohōri tju pū ijiptiyequina tiquina wamene ojoa ohōmehnequina pehere pecapū cohāri tiquiō.

Ūhmūsepū, ahri yehpa gūhure wahmare comesarota Cohācjū

21 ¹Came ūhmūsepū, ahri yehpa gūhure wahmare tiquiō comesarire ihñau. Ūhmūsepū iji mūhtari, yehrapū iji mūhtari, pajiri mapu iji mūhtari gūhū pihtia wahari. Mariedari. ²Sa yegu yūhū Ñu quehnoari macare, wahma macare Jerusalēne ihñau. Ti maca ūhmūsepū Cohācjū cahapū dijia tagū ihñau. Omoca dūhteaticorore quehnoañe suhti mehna wahma suore omoca dūhteatiquiore bucuegū yero taro. Sata ti macare quehnoyuri jiri Cohācjū, tiquiō yequinare bucuegū yero taro. ³Tire yūhū ihñari bato pūhtoro dujiropū tiquiō sañuducugū tūhou: —Ihñaña. Yojo pūre masa watoapū ijiro nine Cohācjū. Tiquina mehna ijirota tiquiō. Sa ye tiquiō yequina ijieta tiquina. Sa yero Cohācjū tiquiō basi tiquina mehna cjēno ijiro, tiquina yaquiō Cohācjū ijirota. ⁴Sa yero sa bucueducugū yerota tiquiō tiquinare. Sa ye pari turi būjūa witi tiquina. Sa ye ne pari turi yariasi tiquina. Ne ñano jeripohna tiye, utiye, purīñe gūhū marisi tiquinare. Ahri ijiptiye panopū cjē ijiri pihtia waharota, ni sañuducuro ca tari.

⁵Came pūhtoro dujiropū dujiriquiro ohō saha nidi:

—Ihñaña. Ijiptiyere wahma comesagū yeitja, nidi.

Tiquiō sa nidi bato yūhure ohō saha nidi tja:

—Ahri yũhũ niñene ojoa neña. Yũhũ niñe ijirota ijire. Sa yero yũhũ nidiro sahata sa waharota. Sa yegũ yũhũ niñene ojoa neña, nidi yũhũre.

⁶Came ohõ saha nidi tja yũhũre:

—To punota ijiağa. Yũhũ ijipihitiyere bajumehnedigũ ijiağa. Sa yegũ ijipihitiyere pihitigũ yeacũ ijiağa. Aco wũoyequina tutuaro tiquina acore cahmeno saha yũhũ cahapũ ahta duayequina yũhũre cahmeeta. Sa ye yũhũre yũhtieta. Yũhũ catigũ yeye aco yero saha ijigũ ijiağa. Yũhũre cahmeñequinare yũhũ mehna sa ijiducugũ yeitja tiquinare. Tiquina esa tuharo ye dutiro marieno, yũhũ tutuaye mehna yũhũ mehna sa ijiducugũ yeitja. ⁷Ijipihitiyequina yũhũre wacũ tutua duhuyequinare ohõ saha yeitja: Tiquina yaquiro Cohãcjũ ijiiitja. Sa ye tiquina pehe yũhũ pohna ijietja. ⁸Sa ijiepetã cueye, yeere duhuyequina, yũhũre cahmeñequina, ñã yũhũyere yeyequina, masare wejẽñequina, wũana tiyequina, masare ujuayequina yero saha yeyequina yayia, “Cohãcjũ ijire”, tiquina niñe queoyere ño peoyequina, ijipihitiyequina ni mehoñequina pecapũ wahaeta. Topũ pajiri ma yero saha ijiri peca pajiri peca azufre mehna wjũno nine. Topũ wahayequina pari turi tiquina yariaro saha wahaye nine, nidi yũhũre.

Wahma maca Jerusalêne yahuahye

⁹Came ihcãquiro angel yũhũ cahapũ wihiri. Tiquiro siete pari cũoyequina, tiquiro buhiri dahre duti cũriquina angele mehna cjũno ijiri. Sa wihiro, ohõ saha nidi yũhũre:

—Ihñagũ ahtaya. Cordero tiquiro omoca dũhtericorore ihñoutja mũhũre, nidi angel yũhũre.

¹⁰Sa yero Espiritu Santo yũhũre Cohãcjũ ya macare ihñori. Ohõ saha bajuro ihñori yũhũre: Uhmũanũ cunũ buipũ yũhũre ne mũjari. Tũpũ usã ijigũ Jerusalêne Cohãcjũ ya macare quehnoari macare ihñori yũhũre. Cohãcjũ cahapũ uhmũsepũ ijiri maca dijia taro nidi ahri yehpũ. ¹¹Cohãcjũ tiquiro asi siteye mehna asi siteri maca ijiri ti maca. Wapa tiye utã yero saha asi siteri. Jaspe wame tiye utã yero saha asi siteri. Sa yero vidrio yero saha quehnoano aco sitiri maca ijiri ti maca. ¹²Sa yero pajiri sahrĩno uhmũari sahrĩno tiquina sahrĩ sãri maca ijiri ti maca. Doce sopecahari tiri ti sahrĩno. Ti sopecaharipe cohteri angele. Ti maca cjẽ sope pahmaripũ Israe masa cururi doce cururipe tiquina wame wahñari. ¹³Asũ mũja taro pehe ti sahrĩno cũori ihtia sopecaha. Sur cũ pehe pehe ihtia sopecaha ijiri. Norte poto pehe ihtia sopecaha ijiri. Asũ sajãno pehe gũhũre ihtia sopecaha ijiri. Ijipihitiro doce sopecahari waro cũori ti sahrĩno. ¹⁴Ti sahrĩno doce utã paca bui pesari. Ti utã pacape Cordero cũrina doce tiquiro cũrina usãpe wame wahñari.

¹⁵Sa yero angel yũhũre yahuriquiro queodũ uru mehna tiquina yedũre cũori. Ti macare, ti maca cjẽ sopecaharire, sahrĩno gũhũre queoro taro nidi. ¹⁶Ti maca yoaro punota ehsaro gũhũ to punota ehsari. Uhmũano gũhũ to punota uhmũari. Sa yero angel queodũ mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota uhmũari maca

ijiri. ¹⁷Sa yero ti maca cjā sahrīnore queori angel. Sesenta y cinco metro uhmuari sahrīno ijiri. Masa mari queoro sahata queoro nidi tiquiro angel.

¹⁸Ti sahrīno jaspe wame tiye utā paca mehna tiquiro yeri sahrīno ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri. ¹⁹Ti sahrīno docapū ijiye utā pacapūre peye sijoro saha ijiye wapa tiye paca wahñari. Ti utā paca sahrīnopū pesaye paca doce paca ijiri. Iji muhtaria utāre jaspe wame tiye utā wahñari. Ti paca bato ijiria utāre zafiro wame tiye utā wahñari. Puaria bato ijiria utāre ágata wame tiye utā wahñari. Ihtiaria bato ijiria utāre esmeralda wame tiye utā wahñari. ²⁰Pititiria bato ijiria utāre ónice wame tiye utā wahñari. Ihcā omope paca bato ijiria utāre cornalina wame tiye utā wahñari. Seis paca bato ijiria utāre crisólito wame tiye utā wahñari. Siete paca bato ijiria utāre berilo wame tiye utā wahñari. Ocho paca bato ijiria utāre topacio wame tiye utā wahñari. Nueve paca bato ijiria utāre crisoprasa wame tiye utā wahñari. Diez paca bato ijiria utāre jacinto wame tiye utā wahñari. Once paca bato ijiria utāre amatista wame tiye utā wahña bato tiri.

²¹Sa ye doce sope pahmari doce perla mehna tiquiro yeri pahmari ijiri. Ti pahmaripe ihcā pje perla pje mehna tiquiro yeri pahmari ijiri. Sa yero ti maca cjā maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

²²Ti macapū Cohācjū wuhure ihñeda. Mariedari. Ti macapū ijipiltiropū mari puhtorore Cohācjū tutua yuhduariquirore, Cordero gūhure ño peore masa. Sa yero ti maca ijipiltiro Cohācjū wuhū yero saha ijiri. ²³Sa yero ti macapū Cohācjū tiquiro asi siteye quehnoano buhriori. Cordero gūhū sihāria yero saha buhriori. Sa ye asū deco cjāno gūhure ñami cjāno gūhure topū tiquina buhriogū cahmedari. ²⁴Sa ye ahri yehpapū ti buhrioye mehna ijietā ijipiltiro cjēna. Sa ye ijipiltiye yehpari cjēna puhtoā ti macapū quehnoa yuhduayere tiquina cuoyere ne wihieta. ²⁵Sa ye decore ti maca cjē sopecahari pōori sopecahari ijietā. Topūre ne ñami marisi. Sa ye ti sopecaharire ne bihasi. Sa susuducurota. ²⁶Sa ye ahri yehpari cjēna quehnoañene tiquina cuoyere ti macapū ne wihieta. ²⁷Ñañe pehere ti macapū ne ne wihi. Bue tigū yeyequina, ñañene yeyequina gūhū ti macapū ne wahasi. Mehoñequina gūhū ne wahasi. Cordero tiquiro ojoari tjuḡū tiquina wame wahñañequina dihita ti macapū wahaeta. Ti tju tiquiro yuhduoriquina tiquina wamene tiquiro ojoa ohōri tju ijire. Ti tjuḡū tiquina wame wahñañequina sa ijiducuetā.

22 ¹Came quehnoari mare catigū yeri mare ihñori yuhure angel. Ti ma quehnoano aco sitiri ma Cohācjū, Cordero gūhū tiquina dujiropū ahtari ma ijiri. ²Sa yero ti maca cjā maha deco buruari ti ma. Ti ma pua peheri duhtū cahapū catigū yeye cjū ducuri. Ti cjū asūripe dūca tiri. Ihcā cūhmare doce tahari dūca tiri. Sa ye ti cjū cjē pūri mehna quehnoano aco tieta ahri yehpa cjēna. ³Ti macare ne ñañe buhiri dahreati marisi. Ti macapū Cohācjū dujiro ijirota. Cordero dujiro gūhū ijirota topū. Sa ye ijipiltiyequina masa topū ijiequina tiquina cahacjēna tiquina poto dusepe curi mehna quehe sa, tiquinare ño peoeta. Sa yero topū ñañe ne marisi. ⁴Tiquina Cohācjūre ihña

piti ca dujieta. Sa ye tiquina wũhdoa pacapũ tiquiro wame wahñañequina ijjeta. ⁵Topũre ñami ne marisi. Sa ye sihãne paca gãhũre cahmesi topũ ijyiquina. Asũ buhriogũ gãhũre cahmesi. Mari pũhtoro Cohãcjũ buhriorota. Sa ye ti macapũ ijyiquina ape sie cjẽna pũthoa ijiducuenta.

Jesucristo ahri yehpapũ tiquiro tojoa tato mehenogã dũhsare

⁶Came angel yũhũre ohõ saha nidi:

—Ijipihtiyere ahri tiquina yahuri ijjirota ijire. Sa ye tiquina nidiro sahata waharota. Mari pũhtoro Cohãcjũ tiquiro yere yahu mũhtariquinare masigũ yeriquiro ijire. Tiquiro pehe yojopũre tiquiro yaquiro angelre ohori tiquiro cahacjẽnare masigũ yero taro. Came cjũnogã dũhse wahatire masigũ yero taro tiquiro yaquiro angelre ohori, nidi angel yũhũre.

⁷Jesu pehe ohõ saha nidi:

—Tũhoya mũsa. Mehenogã dũhsare yũhũ tojoa tato. Ahri pũ cjẽ yahuyere yũhdũdũcaeyequina bucueyequina ijjeta, nidi Jesu.

⁸Yũhũ Ñu ahri ijipihtiyere yũhũ ojoa nedire tũhou. Sa yegũ tire ihãũ. Sa yegũ yũhũ tũhori bato, yũhũ ihãari bato yũhũre ihãoriquiro angel poto dũsepe curi mehna quehe sami. Tiquirore ño peogũ tũũ nimi. ⁹Yũhũ sa yegũ ihãano ohõ saha nidi yũhũre:

—Sa yeracãhã. Mũhũ yero saha yũhũ gãhũ Cohãcjũ cahacjũta ijiaja. Mũhũ acaye Cohãcjũ yere yahu mũhtariquina, ijipihtiyequina ahri pũ cjẽ dutiyere yeyequina gãhũ tiquina ijiro saha yũhũ gãhũ Cohãcjũ cahacjũta ijiaja. Sa yegũ Cohãcjũ poto dũsepe curi mehna quehe sa, tiquiro pehere ño peoya, nidi angel yũhũre.

¹⁰Sa yero ohõ saha ni yahu nemori yũhũre:

—Ahri pũpũ came dũhse wahatire yahure. Sa wahato mehenogã dũhsare. Sa mehenogã dũhsagũ ahri pũpũ yahurire mũoedacãhã mũhũ.

¹¹Ti pje yũhũ yahuri pjere ñañequina pehe sa yeducucũnahdo ñañene. Ñabutiyequina gãhũ ña yũhdũaro yeducucũnahdo. Quehnoañequina pehe quehnoano yeducuahro. Sa ye ñañe marieñequina gãhũ ñañe marieñequina sa ijiducuahro ti pjere, nidi angel yũhũre.

¹²Ohõ saha nidi Jesu:

—Tũhoya mũsa. Mehenogã dũhsare yũhũ tojoa tato. Mũsare yeequinare yũhũ ohoatire ne cãhtagũ tũũ niaja. Sa yegũ quehnoañene mũsa yeri wapa mũsare quehnoano yeitja. ¹³Yũhũ ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja.

¹⁴Ijipihtiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapũ esaeta. Sa ye ti maca cjẽ cjũ catiyere ohoye cjũ dũcare ihyæta. Sa ye bucueyequina ijjeta tiquina, nidi Jesu. ¹⁵Ti macapũ eseyequina pehe ahriquina ijire: Ña yũhdũayequina, masare ujuayequina yero saha yeyequina yayia, wũana

tiyequina, masare wejẽnequina, “Cohãcjũ ijire”, tiquina niñe queoyere ño peoyequina, ni meho peyayequina gũhũ ijire ti macapũ eseyequina.

¹⁶Sa yero ohõ saha ni yahu nemori Jesu:

—Yũhũ, Jesu, yaquiro angelre ohou mũsare yeequinare ahri pũ cjẽne yahugũ tuhũ. Pũhtoro Davi panami iji turiagu ijiaja yũhũ. Yũhũ bohrearia yero saha ijigũ ijiaja, ni yahu nemori Jesu.

¹⁷Espíritu Santo Jesure “Tojoa taya”, nine. Jesu yequina tiquiro omoca dũhteaticoro yero saha ijieyequina gũhũ “Tojoa taya”, nine. Ijipihtiyequina tiquina “Tojoa taya”, nidire tũhoyequina gũhũ “Tojoa taya”, niahdo Jesure.

Aco wũoyequina acore tutuaro tiquina cahmeno saha Cohãcjũ cahapũ waha duana Jesure tutuaro cahmeña. Tiquiro catigũ yeye aco yero saha ijire. Tiquirore cahmeñequinare uhmũsepũ sa ijiducugũ yerota Cohãcjũ. Tiquina esa tuharo ye dutiro marieno Jesu yedohoro mehna sa ijiducugũ yerota.

¹⁸Yũhũ Ñu, ijipihtina ahri pũ cjẽ Cohãcjũ yere tũhorinare mũsare ohõ saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohãcjũre yũhdũdũcaye nine. Tiquina sa yũhdũdũcagũ ihũano ijipihtiye ahri pũpũ tiquiro buhiri dahreatire tiquiro yahuriro sahata cũnota tiquina gũhũre. Sa yero sata tiquina gũhũre buhiri dahrerota. ¹⁹Sa ye ahri pũ cjẽ yahuyere yahu dũhayequina Cohãcjũre yũhdũdũcayequina ijire. Tiquina sa yũhdũdũcagũ ihũano catigũ yeye cjũ dũcare tiquinare ihya dutisi. Sa ye sa ijiducusi tiquina. Sa yero tiquiro ya macapũ quehnoari macapũ waha dutisi. Ti cjũ, ti maca gũhũ ahri pũpũ tiquina yahuripũ ijire.

²⁰Ijipihtiye ahri pũ cjẽne yahuriquiro ohõ saha nine:

—Sa tjire. Mehenogã dũhsare ahri yehrapũ yũhũ tojoa tato, nine tiquiro. Sa tjiya. Ušã pũhto Jesu, tojoa taya.

²¹Mari pũhtoro Jesu tiquiro yedohoro mehna ijipihtina mũsa quehnoano ijija.